

MU KUBAPO KWAKWE

 Natotela, Munyina Neville, Shikulu akupale mumaka nganshi.

Kibili icungulopo mukwai, mwe fibusa. Ninsambu ishisuma nganshi ukubwela pano muno mucikulwa nakabili munshita ino iyabushiku, nokumfwa Ukubapo ukushifilwa ukwakwa Shikulwifwe, ngefyo Apela ubulayo. Kibili nomba, Ninjishiba ukutila imwe mwebengi namwikala ukuti mumfweko i Mbila inono muno bushiku, pali ico Ndetotela nganshi. Kibili mwebengi mulingile ukwensha ukutali muno bushiku, pakuya ku ng'anda. Bamo nabafuma mu mayanda yabeni umo bali, ngefyo Ndeumfwa. Kibili ifwe twalaesha ukukana misunga inshita ntali, eico uyo emulandu wine twishile bwangu pakutila twingafuma bwangu.

² Kibili nomba efyo twalacita, ukulingana nefyo Ningangufyanya, Ndi nokubilisha ilyo tukesa tendeka, Bacintumina ba lamya muno cungulo, ukuiti beshibe ilyo tukatampa aya amabuuku, nangu amachapitala. Kibili Ndetontonkanya, nga Shikulu asuminisha, Ndefwaya ukusenda, inshita imbi iyo tukatendeka, pa Fikakatikilo Cinelubali ifya Kusokolola, kibili ne fikakatikilo cinelubali ifya cifyalilwa. Kibili, lyena nga twapwisha munshita iisuma, tukasende ifikakatikilo cinelubali kunuma ye Buuku, mwamona. Nomba, ico kuti casenda inshita inono. Mwamona, kuli ifikakatikilo cinelubali ifyo fyaisulwa; kwaba ifikuko cinelubali, amapenga cinelubali, fyonse filya cinelubali; kibili filya ifikakatikilo ifyo twingesenda intanshi. Lelo nomba panuma ye Buuku lyakakatikwa nefikakatikilo cinelubali. Daliele alyumfwile amashiwi, ifibulukuto, kibili balimubindile ukulilemba. Yohane balimubindile ukulilemba. Lelo lyena lyalikakatikwe kunuma ye Buuku, mumusango uyo, panuma yankama shonse ishe Buuku shapelwa nokusokololwa. Moneni Daniele atile kulya, "Inkama munshiku sha aya mashiwi, icankama cakwa Lesa cilingile ukufimbula pali ilyanshita." Mwamona, "icankama," ifyo Lesa aba, ifyo Apangilwe umubili, fyonse ifi fintu filingile ukufimbula pali ilya nshita. Kibili lyena—lyena ifwe tulii abaiteyanya ku Fikakatikilo Cinelubali ifyaba kunuma ye Buuku, ifyo tafyasokololwa kumuntu, tafyalembwa namu Baibele, lelo filingile ukufipashanya bwino na Baibele yonse iyashala, kibili Ndetontonkanya cikaba icintu icikalamba.

³ Eico nomba twalaesha ukwangufyanya ukupwisha. Ndetotela cila umo muli imwe pa cikuku cenu nokwisa kwenu, kibili—kibili fyonse ifyo mwacita, tulemitasha nganshi. Kibili nomba Nde—Ndecetekela ukutila tatwamisunge inshita itali nganshi muno bushiku, pantu muli abashipikisha nganshi

ukwikala, iminineni. Umukashi wandi acilanda kunuma kulya, ena acilaland nalimo pali mailo ubushiku, acitila, "Nalimwene nabananakashi abo abali abaina, nabeminina kulya, kibili nefyakufwala fyabo ifybomba, nabeminina kulya, baleumfwafye i Cebo conse." Ulya emulandu wine Natemenwa ukwikala mwisamba lyakusubwa kwa Mupashi wa Mushilo, ukutila ilyo mwaisa imwe mulebeba balya bantu Icine cabufumacumi, mwamona, kibili tecintufye cimbi kano Icine. Kibili lyena bena kuti baikatilila kuli Ico kibili cena cili nokubafye bwino.

⁴ Nomba Ndefwaya ukulomba ubwelelo bwenu pansiita inono. Nacifuma ulucelo celo lelo. Namatepu nayesalwa pali ino nshita, kibili Ndi—Ndi nokubebea pakashita Ndinokweba abaleambula amashiwi ilyo bengasha tepu. Ndefwaya ukupwisha *Ukupenda Kwa Kulekelesha*, ama miniti yasano kuli kwena, ilyo Nshilaya. Nacilaba nokufumako, Nacisendwa luno lucelo mpaka Nafuma ukwabula ukulandapo nangu cimo palwa ico. Lelo, Nacimishila pali, "Ni cinshi ukupenda kwa kulekelesha?" Mwamona? Ninjishiba ifwe tuli mukupenda kwa kulekelesha, lelo nicinshi ukupenda kwa kulekelesha? Mwamona? Nga tamwishiibe ifyo ukupenda kwa kulekelesha kuli, lyena imwe muli nokuba abafulungana. Kibili eico Ine—Ine kuti natemwa uku—ukucileta ico, ukuba fye, nokwesha ukuba mumano yamo yene ayo Nali nokupwisha iyi tepu nomba, eico tepu ileya kunse, *Ukupenda Kwa Kulekelesha*. Nomba imwe bonse mwalambelelo luse pakashitafye, kibili Ndefwaya ukupwisha ilya tepu. Bushe mwalacicita pakashita fye, lyena twalatendeka pali limbi? [Ulukuta lwatila "Ameni."—Kale.] Kibili nomba—nomba ifilimba fyakwambwilako, nomba imwe kuti, mwaasha amatepu yenu nomba. [Tapali amashiwi pali tepu—Kale].

[Munyina Branham alondolola mumisela yamashiwi 4-5 ayo abikile muciputulwa icacishalako mukushimikila kwalucelo ilitwa *Ukupenda Kwa Kulekelesha*, nge misela yamalembo 106-111—Kale.]

⁵ Ukwisafye ukufuma kuncende isha pusana pusana, kibili twalikwete inshita iikalamba mumbila shitatu isha kulekelesha, pakulanda pesambililo ilya—ilya masambilisho ayapusana pusana kibili nafimbipo ifyo twaleta. Ndeibukishafye pali ino nshita Ndi nokupela incende iinono mulya, imwe mwebantu mwebali patepu, pakucinja pamatepu yenu. Ndemyeba ilyo nalaipekanya ukwasha. Cisuma. Nomba, Ningile ukumona ici. Cilemoneka kwati libumba ilyapangwa ukufuma mukumoneka, lelo balya balumendo balingile ukusenda tepu. Kibili tekuti bailufyanje; nga cakuti bacita ico, abantu kunse kulya tabakayumfwe. Eico tulingile ukucisenda muli uyu musango. Kibili umuntu umo nga cakuti afumafye mumuputule nokunjeba kulya, Junior, ilyo baipekanya ukupiluba amatepou.

Natotela nganshi, ba cibusa, Ndelanda nakabili, pacikuku cenu conse nefintu fyonse. Cisuma, ifwe tuli abaiteyanya nomba, imwe kuti mwayasha.

⁶ Shikulu amipale. Tuli abansansa ukuba muno mwihema nakabili munshita ino iyabushiku. Incende naisula nabantu abengi nabeminina mumbali nakabili munshita ino iyabushiku, nenshiku shitatu isha...nangu imiku itatu iyakulongana. Kuti cawama nga cakutila umo nga aumfwa kuli iifyi tepu, ukuti benga bwela nokusenda tepu yamailo ubushiku. Mulepitulukamo kung'anda kumwenu. Bwena bu—bupyungishi ubwanomba ubo Shikulu ampela. Ukucilapo kuti Natemwa bakapyunga ukuymfwa ilyo Nshilatandalila amachalichi yabo nokwisa mumayanda yabo. Nomba kuti Natemwa bena uku—ukuyasenda. Nomba, muno lucelo twacilanda pe sambililo ilya *Kupenda Kwa Kulekelesha*, Chalichi caiteyanya ukuya.

⁷ Kibili nomba muno bushiku, Lesa ngasuminisha, twalalandia pe sambililo ilya *Mu Kubapo Kwakwe*. Kibili, oh, tuletasha Lesa nganshi peshuko lyakwisa mu Kubapo Kwakwe. Lelo, intanshi, Ndefwaya imwe bonse ukupilibula Baibele yenu pamo naine kuli kasesema Esaya, chapitala 6 iyakwa kasesema Esaya. Ifwe bonse twalishiba ukutila Esaya aali ni kasesema mukalamba, kibili umo pali bakasesema abakalamba abamubushiku bwakwe. Apwishishe umweo wakwe pa kuputulwa pakati nasoyala, kubunte, ngo waipaiwe kumaka yakwa Lesa Uwamaka yonse. Mwi Buuku lyakwa Esaya, icipandwa ca 6, Natendeka pa versi ya 5, ukubelenga. "Elyo Natile, 'Akalandu kuli inel!' Pantu..." Nalimo Natendeka na versi ya 1. Lekeni munjeleleko pakashita. Lekeni tutendekele pa versi ya 1 nokubelenga mpaka nalimo versi ya 8.

*Mu mwaka umo imfumu Usia afwile Ine namwene
pamo Shikulu naikala pa cipuna cabufumu, icatumpuka
kibili icasumbuka, nefisempe fyacakufwala fyakwe
fyaiswile mwitempele pansi.*

*Naba serafi nabeminina pamulu kuli wena: kwali
namapindo mutanda kuli umo umo; yabili yafimbile
pacinso cakwe, yabili yafimbile kumakasa yakwe, na
yabili yakupupukilako.*

*Kibili umo abilikishe kuli umbi, no kutila, Wa
mushilo, wa mushilo, wa mushilo, ni SHIKULU Lesa
wa milalo: kibili ne sonde lyonse lyaisulamo ubukata
bwakwe.*

*Kibili ifipanda fyaikata iciibi fyapungaile kwishiwi
lyavalebila, neng'anda yaiswilemo icushi.*

*Elyo Natile, Kalanda kuli inel! Nafwa; pantu Ndi
muntu uwakowele milomo, kibili Naikala mukati ka...
abantu abakowele milomo: pantu amenso yandi yamone
Mfumu, SHIKULU wa milalo.*

Lelo umo uwmuli baserafi apupuka aisa kuli ine, muminwe yakwe muvali ikala yamulilo, ilyo abulile kulumano pacipailo:

Ankumyako pakanwa nokutila, Mona, ili lya ku kumya pamilomo yobe; amampulu yobe nayafumishiwapo, kibili ulubembu lobe nalufumishiwapo.

Kabili Naishile umfwa neshiwi lyakwa Shikulu, lileti, Ninani uo Ndetuma, kabili ninani uwatalutangilila? Naine natile Ine, Epo Ndi; ntumeni.

⁸ Lekeni Shikulu apale i Cebo Cakwe. Ndetontonkanya ilyo li Lembo ilikankala nganshi. Twasanga ukutila, mu Kubapo kwakwa Lesa, abantu balaimona abene ukuba ababembu. Ifwe kuti twaumfwa bwino ilyo tuli kunse muncende isha pusana pusana, nokumfwa ukuti tuli bantu abasuma nganshi, lelo ilyo twaisa mu Kubapo kwakwa Lesa, lyena ifwe tulemona ifyo twaba abanono.

⁹ Naiminine tekale sana na—nacibusu wandi uo Nakwete ishuko ilyakutungulula kuli Kristu, Bert Call, kulya ku New Hampshire, cibusu tulunga nankwe, twaiminine kumbali yacipoma ca Cold Brook Falls kulya ku Adirodack, kibili cali cipoma icikalamba nganshi. Nalitwele ulupwa lwandi yuu mwaka wafumineko mukucimona. Kwenda apatali ukufuma mumusebo, bafwile bamisendako pakufikako. Kabili ilyo twamona yalya amenshi aya makumbi makumbi kibili ayakatapa katapa ukupongoloka namaka ukufuma mumpili, kibili ukufukumuka pamabwe, Bert aiminine palya nokundolesha, kibili atile, “Gee, Billy, cilalenga umuntu ukumfwa umunono *nganshi*,” alipimine nalimo kota wa inchi kuminwe yakwe. Kabili Natile, “Ico nacilungama, Bert.” Nomba, ifyo fye efyo aishibe palwa kwingila mu Kubapo kwakwa Lesa, mukumona ifibumbwa Fyakwe.

¹⁰ Ndeingillilamo umuntu uyo walembele *Mwe Bakulu*, nga taloleshe mumulu inshita imo iyabushiku nokulolesha intanda, ifyo shena shaba ukutali! Imyeshi inono iyapitapo, Munyina Fred, Munyina Woods na Ine, twaliminine na Munyina Mc Anally kulya kuciswebebe caku Arizona, twalepima, ukwesha, ulutanda lumo, ifyo lwali ulwapalama kulunankwe. Kabili nabamillioni nababillioni bamailoshi ukuya, shena tashalemoneka ukuba ukucila kota wainchi kuli lumo nolunankwe. Nomba tulatampa ukutontonkanya, ukulingana nokushininkisha kwa sayansi ukwa ico, isho intanda nalimo shaba ishitali kuli lumo nolunankwe ukucila fintu ifwe twaba kuli shena. Mwamona ifyo caba?

¹¹ Nomba tulemona ifyo twaba abanono ilyo twailuka ifyo Ena aba umukalamba, kibili ifyo ifwe twisa mupepi kwisa ku Kubapo Kwakwe. Munshila imo nangu imbi, cena

lyonse cileta amaka ayakalamba pabantu ukwisa mu Kubapo kwakwa Lesa. Nalimona inshita muli bukapyunga bwandi ilyo mwingamona Ukubapo kwakwa Lesa ukwisa mucifulo ca musango ngoyo ukuti cena kuti caleta umuntu pamulu kibili nokusokolola umweo wabo kuli bena, kibili nokulanda imembu shabo ishamisango yonse ishamilimo yabipa, nokuleta ukuba tondolo ukwamushilo pabantu mpaka bafuma pamulongo wamapepo ilyo tabalaisa mukupepelelwa, nokubutukila kicipailo nokulungamika ifintu kuli Lesa ilyo tabalaisa mu Kubapo Kwakwe. Mwamona, kwalibako icintu cimo palwa kwisa mu Kubapo kwakwa Lesa, cena cilalenga ifintu ukucitika. Nalimona abantu nabalala mumasansi napamisengele.

¹² Bulya bushiku kulya ku Mexico, ilyo kalya kanya akanono akafwa kalele mwisamba lyu bulaneti, kibili ulya nyina umwina Spain akaletele, nangu nyina umwina Mexico, nangula, akaletele pamulu. Ilyo bamwene, amakana ayengi aya balya bantu bamwene, nalimo amakumi yasano nangu amakana amakumi cinelubali nafisano pakulongana kumo, bamwene kalya akanya akanono kabuka kukufwa, banamayo balifwile umutombo, abantu balimishe amaboko yabo mumulu nokupunda. Mulandu nshi? Bena bailwike ukutila umuntunse tekuti acite ico, ukutila bena bali mu Kubapo kwakwa Lesa Uwamaka yonse. Kibili calengele icintu cimo ukucitika.

¹³ Nalikwata ishuko ilyakumfwa abantu ababulesa balelanda. Calilandwe inshita imo pali Charles Finney, umuntu umunono nganshi, tatalile finapo ukucila nalimo amapoundi umwanda nekumi limo, lelo alikwete inshila iyakulandilamo iyamaka mpaka... Ubushiku bumo aleesha ifyo ifiunda fyali nokumfwika mucikulwa. Bena tabakwete ifyakulandilako kucintu bwingi ifitwa P.A. pali ilya nshita. Kibili kwali umuntu uwalelungisha, mumuputule wapamulu, nangu pamutenge wacikulwa, kibili aumfwile umuntu aisa, eico ena taishibe abo bena bali, ena aikelefye tondolo. Kibili Mista Finney ali nokwesha amashini yapisha ifiunda ifyo yalebomba. Panuma yakupossa inshita iikalamba mumapepo pakupuputulwa uko aali nokukwata, aeseshe ishiwi lyakwe ukuti amone ifyo lyali nokumfwika. Aishilebwelelambo bwangu kucintamba, kibili atile, "Lapila, nangu onaike!" Kibili alandile ico namaka-namaka, panuma yakuba mukusubwa kwakwa Lesa, mpaka uyo mwaume apona ukufuma pamulu wamuputule wapamulu, ukuponena pansi, nangu, ukufuma pamulu wa cikulwa, ukufika pansi.

¹⁴ Ashimikile i Mbila nsuma mumusango umo mpaka aiminina mu Boston, mu Massachusetts, mwiwindo lyamumuputule, pantu takwali ichalichi nangu cimo emo ibumba lyakwe lingakumana. Kibili aiminine palya nobulamba ubukalamba, nokushimikila imbo ukuba incende imo, mpaka abaume abalebomba nemiseke yabo mwisamba yamaboko yabo,

baponene mumusebo nokupunda ukutila babelelwe uluse. Mu Kubapo kwakwa Lesa! Bakashimikila abakalamba abo abali abalinga, ku Cebo cakwa Lesa, kukuleta Ukubapo kwakwa Lesa kwibumba. Cibe ukutali ukutila umuntu kuti aba uwaciswa nganshi mumitima yabo mpaka bena tekuti beshibe Ukubapo kwakwa Lesa. Cibe ukutali!

¹⁵ Lintu umuntu wakubalilapo, ilyofye abembwike nokucita icintu cimo icalubene, kabilo lintu Lesa aishile mukubapo kwakwe, nangu, ena aishile mu Mukubapo kwakwa Lesa, "Adamu," ena tekuti eminine mu Mukubapo kwakwa Lesa. Ena alibutwike nokufisa umwine mumpanga nokwesha ukuifimba umwine nebula lyu mukunyu, pantu alishibe ukutila aliminine mu Kubapo kwakwa Yehova, Kabumba. Ifyo efyacitile umuntu wakubalilapo, panuma yakubembuka nokwesha ukwisa mu Kubapo kwakwa Lesa nolubembu pamweo wakwe. Ena alifililwe ukufisama, pantu aali uwanakilila lilya. Ulubembu talwaikete nga fintu lwaanda imishila mumitima yabantu ileelo, lelo ena alishibe nganshi ukutila ena aliminine kucinso cakwa Kabumba wakwe. Nomba, alifishile umwine mufimpusa kabilo alikene ukufuma, kabilo afililwe ukufuma mpaka Lesa amupekanishishako fimo.

¹⁶ Kuti twabwelelamo, nokusenda Ukutendeka chapitala ya 17 kabilo na versi ya 3, ilyo icikolwe cikalamba, Abrahamu, ilyo aishile mu Kubapo kwakwa Lesa, kabilo Lesa alandil kuli ena (mu chapitala 17) mwi Shina lyakwa Lesa Uwamaka yonse, Abrahamu awile pacinso cakwe. Cilya icikolwe cikalamba, umubomfi wakwa Lesa, tekuti eminine mu Kubapo kwakwa Lesa, nangula bali Mubombele pa myaka amakumi yabili nayasano, mucishinka. Lelo ilyo Lesa aendele mukubapo kwakwe, icikolwe cawile pacinso cakwe pantu ena tekuti eminine mu Kubapo kwakwa Lesa.

¹⁷ Mu Kufuma 3, tulesanga ukutila Mose, umubomfi umukalamba kabilo kasesema wakwa Lesa, uilyo aali kunuma kulya kunuma yamatololo, ulya muntu aali umuntu uwamushilo. Ena afyelwe pa mulandu umo. Ena afyelwe ukufuma munda yakwa nyina ukuba kasesema. Ena alyeseshe ukukwata amasambililo yakwe nokucita ifintu fyonse engacita pakuti apusushe abantu bakwe, pantu ena alilwike ukutila ena aali nokupususha abantu bakwe, lelo, ilyo ena akutulwike ukupitila mumasambililo yafyamipepele. Alikanshiwe. Aali uwasambilila nganshi. Ena kuti asambilisha abena Egypto amano, abo abali abantu abacenjela nganshi mwisonde. Ena alishibe fyonse palwa mukati nakunse. Alishibe Amalembo ukufuma kuli A ukufika kuli Z. Alishibe ubulayo ubo Lesa apele. Alibeshibe ukupitila mukwishiba kwamano. Kabilo a—ali umwaume wabulwi umukalamba. Lelo ubushiku bumo kulya kunuma yaciswebobe, ilyo aishile mu Kubapo kwakwa Lesa, afulileko insapato shakwe nokupona—pamakasa yakwe,

pakwishiba ukuti aali pamushili wamushilo. Ena tekuti eminine pamakasa yakwe ilyo aishile mu Mukubapo kwakwa Lesa, ena awile pacinso cakwe nga fintu Abrahamu acitile. Ena tekuti eminine mu Kubapo kwakwa Lesa.

¹⁸ Mu Kufuma 19:19, ilyo abasalwa abantu bakwa Lesa ukutula kulya kunuma munshiku shakwa Abrahamu, ukufuma kuli Abrahamu kwaishile Isaki, Isaki alishile Yakobo, ukufuma muli Yakobo kwaishile ifikolwe, kibili imyaka panuma yamyaka baishile kwata abantu abamushilo, abantu abakalamba, abantu abasalwa, umutundu uwasalwa, abasangululwa, abantu abamushilo, kibili balibombele Lesa mumweo wabo. Kibili ubushiku bumo Lesa atile, “Kolonganyeni Israele kuno, Nalandana kuli bena.”

¹⁹ Lelo lintu Lesa aikile pamulu wa Lupili lwa Sinai, kibili ulupili lonse lwaikete umulilo, kibili icushi calepupuka ukufuma kuli lwena nge lungu lyamulilo, kibili ne Shiwi lyakwa Lesa lyabulwime, Israele awile ubunkupeme pa menso yabo nokutila, “Lekeni Mose alande, kibili Lesa elanda, epali twafwa.” Umuntu, mu Kubapo kwakwa Lesa, ailuka ukuti ena mubembu! Libe bena bali, cila umo, abasembululwa umwabelia Amafunde. Bena balisendele amafunde nefintu fyonsé, lelo ilyo Lesa alandile kibili bena baile mu Kubapo Kwakwe, baishileiluka ukutila balifuminemo, taba—tabali abalungama, kwaliko icintu cimo icabulile, pantu bena bali mu Kubapo kwakwa Lesa. Ee. Kibili batile, “Lekeni Mose alande, kibili Lesa elanda, pantu nga Lesa alanda ifwe bonse tuli nokufwa. Lekeni Mose alande kuli ifwe.”

²⁰ Cali muli Luka 5:8, ukuti ilyo Petro...oh, ilyo aali umuntu uwatalama nganshi, kibili umuntu uwakongola ukukalamba, amaka ayakalamba ayo twaumfwa. Aali kwati muntu uwalecusha abantu, umulondo wesabi. Lelo ilyo amwene icisungusho cakwa Lesa ukucitwa no Muntu yawe yawe, camoneke kwati, ico aishibe ilya nshita ukutila casendele ukucila pamuntu ukuposa lyonse lilya isabi mwisumbu epo aali, na masambililo yakwe yonse, ukwishiba kwakwe ukwakuloba, alilobele inshita yonse iya bushiku kibili takwali nangu cimo. Lelo aumfwile Umo umuntu atila, “Posamo isumbu lyobe.”

²¹ Kibili ilyo atendeke ukutinta, ena alikwete impendwa iikalamba nganshi iyesabi, kibili ena alilwike ukutila ena aali umuntu umubembu. Kibili atile, “Fumeni kuli ine, Mwe Shikulu, pantu Ndi muntu umubembu.” Nani uwalandile ico? Petro Washila, mu Cinsó cakwa Lesa, aipwishe kuli Lesa ukuti afume mukubapo kwakwe, pantu ena aimwene umwine ukutila mubembu.

²² Abrahamu aimwene umwine ukutila aali “mucilubo.” Adamu aimwene umwine ukutila aali “mucilubo,” uyo uwali umwana wakwa Lesa, aimwene umwine ukutila aali

“mucilubo.” Mose aimwene umwine ukutila aali “mucilubo.” Israele, nge chalichi necalo, baimwene abene ukutila bali “mucilubo.” “Fumeni kuli ine, pantu Ndi muntu umubembu.” Ena taeseshe ukutila, “Nomba, Ndi uwamushilo kabili uwalinga ukupokelela ici.” Atile, “Ndi muntu umubembu.”

²³ Inshita imo uwaipangile kapepa, namasambililo yonse ayamipepele ayo engasambilila kuli kasambilisha mukalamba uwitwa Gamaliele, ishina lyakwe lyali ni Shauli wa ku Tarsu, uyo twaishiba nga Paulo, uwa bukapepa bwafikapo. Ena alishibe fyonse pakwingila kabili nokufuma muli bukapepa bwabo. Ena aali umu Fariseo waba Fariseo, kabili umu Hebere waba Hebere. Aali umwaume waishibikwa, umusambi, uwacenjela, uwakalabana, uwasambilila, alelanda ukutila alishibe Lesa ukufuma kubwaice bwakwe. Lelo ubushiku bumo munshila yakwe iyakuya ku Damaseke, ilya Ntumba ya Mulilo yabalike pali ena kabili aliwile pa yakwe... ukufuma kumakasa yakwe, pamushili, mulukungu, kabili atile, “Shikulu, cinshi ico Mwingafwaya ine ukucita?” Konse ukukanshiwa kwakwe ukukalamba, ukukanshiwa kwakwe ukukalamba ukwafyamipepele, amasambililo yakwe yonse tayapilibwile icintu ilyo aiminine mu Kubapo kwakwa Lesa.

²⁴ Ndefwaya ukwiminina apa pali miniti nokutila ico cintu cimo cine. Iwe limbi kuti wakwata D.D., Ph.D., conse ico wingaba, limbi kuti waya kuchalichi ukutula ilyo wali umwaice, nalimo kuti wacita fyonse ifyabukapepa, lelo inshita waba mu Kubapo kwakwa Lesa uli nokumfwa uwacepa kabili uushipendwa.

²⁵ Paulo aliilwike ukutila aali mucilubo, kabili awilile pansi pamushili, mwisamba lyakongola na Maka. Ilyo aloleshe pamulu nokumona Lesa wine uo aleshimikila, kabili... ukususha, kabili atontonkenye ukutila alishibe, kabili alimwene ukutila ena aali mucilubo, ena aliwile ukufuma pamakasa yakwe, ukuya pansi, pantu ena aali mu Kubapo kwakwa Lesa. Ena alimwene ilya Ntumba ya Mulilo.

²⁶ Nga palwa kwa Yohane Washila umukalamba uwa Kusokolola 1:7, ilyo bamulangishe icimonwa, kabili aloleshe, kabili aumfwile i Shiwi lilelanda kuli ena? Kabili apilibwike ukumona i Shiwi, kabili amwene ifyakutekapo inyali cinelubali ifya golide. Kabili Umo aiminine mukati kafyakutekapo inyali ifya golide cine lubali, ne mishishi nga masako ya mpaanga, amenso ngo lubingu lwamulilo, amakasa nga ifipilala fyamukuba, Afwele umwingila wagolide eo apombele pacifuba, kabili Aleitwa i Cebo cakwa Lesa. Kabili ilyo Yohane Washila umukalamba aendele pamo na Kristu, ukushintilila pa cifuba Cakwe, ilyo acitile fyonse ifi fintu! Nga fintu Nacilanda muno lucelo, ubupyungishi bwakwa Paulo bwalipitilepo pali bonse. Pano, panuma Yohane aendele pamo na Yesu, alandile Nankwe, alelala Nankwe, alelya Nankwe, lelo ilyo ena a Mumwene

naiminina kulya, ilya imibele yabukata, ena atiile aponene ngo muntu uwafwa pamakasa Yakwe. Ameni. Tontonkanyeni pali ico!

²⁷ Ifwe kuti twaisa kuchalichi nokulanda nokulumbanya Lesa, kibili nafigbipo, lelo, oh, munyina, ilyo tukamumona Ena ukwisa, icintu cimo cikaba icapusanako mumitima yesu! Ifwe limbi kuti twatontonkanya ukutila tulabomba umulimo wesi uwabukapepa ukuya kuchalichi nokulipila icekumi cesu. Ifwe limbi kuti twatontonkanya ukutila tulasunga amafunde yachalichi nokusuminisha ifisumino fyonse, lelo panshitafye imo natu Muloleshe, icintu conse calicinja inshila yonse. Ee, mucine.

²⁸ Uyu muntu umukalamba, Yohane Washila, umuntu umukalamba nga ulya, Baibele yatiila mu Kusokolola 1:7, ukuti “ena aponene kwati muntu wafwa.” Panuma yamyaka itatu nacitika iyesenge pamo na Kristu, aali umo pali bakalemba ba Kalata, alembele kunuma Yakwe, alelya pamo Nankwe petebulo, asendeme Nankwe pabusansi, kibili umuntu ali mwisenge na Ena konse uko Ena aile, lelo ilyo apilibwike ukuti amumone Ena, takwete nakabili umweo uwashelle muli ena. Ena awile ngo muntu uwafwa pansi, nangu pansi pamushili. Cisuma.

²⁹ Tulemona Esaya, muli Esaya 6:5, nga fintu twacibelenga, uyu umukalamba kasesema uwamaka nganshi, ena niuimo pali bakasesema abakalamba nganshi uyo waba muli Baibele. Kwaba ama Buuku amakumi mutanda na mutanda aya muli Baibele; kwaba bachapitala amakumi mutanda na mutanda muli Esaya. Esaya atendeka mu Kutendeka, mukati ka Esaya aleta mu Cipingo Cipy, pampela yakwa Esaya ena aleletamo Imyaka ikana limo; filya finefye Ukutendeka, Icipingo Cipy, no Kusokolola. Ukupwililika! Esaya aali umo uwamuli bakasesema abakalamba. Lelo ubushiku bumo ashintilile pakuboko kwakwa Usia imfumu ikalamba, Usia alifumishiwe kuli ena, kibili aali pansi. Ena aali umuntu umusuma nganshi, ena aali umuntu umulungami musuma, nga ilya imfumu yabulungami (imfumu isuma) yamwishihe ngo muntu uwamushilo nokumusungila mwitempile lyakwe.

³⁰ Esaya alimwene ifimonwa. Ena aali nikasesema. Esaya ashimikile i Cebo. Ena aali nikapyunga. Esaya aali umuntu uwamushilo. Lelo ubushiku bumo, aiminine mwitempile, aishileponera mucimonwa kibili amwene Ubukata bwakwa Lesa. Alimwene ba Malaika namapindo pa finso Fyabo, amapindo pamakasa Yabo, balepupuka namapindo, baletila, “Wamushilo, wamushilo, wamushilo ni Shikulu Lesa Uwamaka yonse!”¹

³¹ Ulya kasesema aliilwike ukutila tali nangu cimo. Atile, “Akalandu kuli ine, pantu Ndi muntu uwakowela imilomo.” Kasesema, kasesema uwamaka nganshi uwamuli Baibele, umo pali bena. “Ndi muntu ne milomo iyakowela, kibili Njikala

pakati kabantu abakowela imilomo. Akalanda kuli ine, pantu Namona Ubukata bwakwa Lesa.”

³² Kibili atile, ilyo ulya Malaika abilikishe ukutila, “ifyaikata itempile fyalitenkene uku no ku.” Munyina, ico cili nokukupanga... Tefyaikatafyte itempele efyalasunkana, lelo imyulu yonse nesonde fikasunkana ilyo Akesa nakabili. Impili shikafulumuka, kibili bembra akesapwa, nokupunda ukutila, “Tufiseni ukufuma kucinso ca Ena uyo uwaikala pa Cipuna cabufumu.” Yena ili nokuba inshita iyakutinya. Ndemyeba, wemunandi umubembu, ulingile ukuibebeta. Ico nacilungama.

³³ Nomba, Esaya atile, “Akalanda kuli ine, Ndi muntu uwakowela imilomo, kibili Njikala nabantu abakowela imilomo. Kibili Ndi, aba bantu balikwata imilomo iyakowela.”

³⁴ Nomba ibukisheni, nga cakutila abantu abamushilo baishibe abene beka ukuba “ababembu” mu Kubapo kwakwa Lesa, nicinshi ico umubembu nabashili ababulesa engacita bulya Bushiku? Bushe abantu abekala mumisonkano bakacita cinshi? Ni cinshi ico abantu bakacita abo abamona Amaka yakwa Lesa, abo abaumfwa ukupenda ukwa kulekelesha pa Cebo, uyo uwamona Lesa ukuilangisha Umwine, kibili (ukwabula ukutwishi nangu panono) Amalembu yonse yalifkilishiwe, kibili nalyo line baesha ukuya ku Muulu ukwabula ukufyalwa cipyia cipyia nokupokelela Mupashi wa Mushilo? Baibebe itila, “Ngo muntu umulungami akapusuka kwempe, nikwisa uko umubembu noushili umwinalesa bakaba?” Ni ncende ya musango shani iyo tuli nokwimininamo nga twamona Lesa aifungulula Umwine pacinso cesu, nokumona Ubukata bwakwa Lesa umusangofye umowine nga fintu balya bantu bacitile, kibili nabaume bamusango uyo babilile, bakasesema nabamano apo i Cebo caiminina? Nga balililile, nokupona pamakasa yabo, nokubilikisha ukutila, “Ndi muntu uwamilomo ishili nangu cimo, ukukowela,” cikaba shani nomba kumuntu uyo uushalapila imembu shakwe? Cikaba shani kumusepela uushifwaya ukulapila imembu shakwe? Cikaba shani kuli ulya umuntu uwakosa uwamutima uyo uutontontkanya ukutila ena alishiba ifingi palwa kubumba kwakwa Lesa ukucila ifyo Lesa acita Umwine? Ni cinshi icikacitika kuli ulyo mwaume uyo waposa umweo wakwe onse mukwesha ukukana Baibebe? Ni kwisa uko ulyo mwaume akamonekela? Tontonkanyeni pali ico!

³⁵ Uku ekubila kwambila nsuma. Ino e nshita iya kusunkanya abantu. Iyi enshita iyo Lesa alandile ukuti kukesaisa inshita, Ena asunkenye Ulupili lwa Sinai inshita imo lelo kuli nokwisasunkana nakabili, ukuti Ena “tekuti asunkanyakafye Ulupili lwa Sinai, lelo Ena kuti asunkanya ifintu fyonse ifyo ifinga sela.” Lelo bushe namumona ayashala Amalembu? “Lelo tulapokelela Ubufumu ubo ubushingatenkanishiwa!” Alleluya! Ifintu fyonse ifyo fingatenkanishiwa fikatenkanishiwa. Imyulu ikatenkana. Isonde likatenkana. “Imyulu nesonde fikapita,

lelo ico Cebo tacakatalepita. Pantu pali ici cilibwe Nkakula i Chalichi Candi, kabili impongolo shakumbo tashakacanshe Cena.” Ifintu fyonse ifyo fingatenkanishiwa fikatenkanishiwa. Lelo tulapokelela Ubufumu ubo bwaba i Cebo cakwa Lesa Umwine, kabili Lesa Cebo Cakwe. Ena taisunkanya Umwine. Ameni! Oh, owe! “Lelo tupokelela Ubufumu ubushinga tenkanishiwa,” cena tacisunkanishiwa, efyalandile Paulo kalemba umu Hebere.

³⁶ Umuntu wa musango ngoyo kabili umuntu wa musango ngoyo, inshita ya musango ngoyo kabili ifyo baumfwile! Twalikwata pamo, fwebene, twalimona Ubukata bwakwa Lesa nga fintu aba baume bamwene. Mucine. Twali Bumona. Ifwe twalimona Ubukata bwakwa Lesa nga fintu Abrahamu a Bumwene. Ifwe twalimona Ubukata bwakwa Lesa nga fintu Mose amwene Ici, imo ine Ntumba ya Mulilo, Amaka yamo yene ayakwa Lesa, Kristu umo wine u-...ukuisokolola Umwine, ukuilangisha Umwine, ukusunga i Cebo Cakwe mubushiku bwakulekelesha. Kuti twabakumanya shani, kabili twaya nkukana posako amano kuli Ico? Kuti twaenda shani nokwikatilila ku fisumino fyesu nefilonganino, kabili nokukana senda i Cebo cakwa Lesa? Cikaba shani kuli ifwe muli bulya Bushiku? Cikaba shani kuli ifwe, ilyo twamona Ubukata bwakwa Lesa?

³⁷ Abantu bambo bali nokwiminina noku Cishenteka, bambo bali noku Ciseka, bambo bali noku Cita ukufulungana, bambo uku Cita ukwishesha amano, bambo uku Cita Belesebuli, bambo uku Cita icintu cimo nangu cimbi. Nga fintu amapinda ayakale yaba, “Ifipumbu fikenda ne nsapato shamisumali palya ba Malaika batina ukunyanta.” Ico nacilungama. “Icipumbu cilanda mumutima wakwe ukutila, ‘Takwaba Lesa.’” Ilyo amona Lesa ukumonekela mukupwililika nganshi ne Cebo Cakwe Umwine (te kucisumino; lelo ku Cebo Cakwe), kabili nomba ukwenda uku Cipitilila noku Ciseka, ena cipumbu. Pantu, cena cili, Lesa e Cebo, kabili Lesa alilenga Umwine ukuba palwalala kuli ena, kabili ena aba “iciwelewele,” Baibele efyo yalande. Cikaba ni cinshi kuli ena ilyo alingile ukwiminina muli ilye ncende? Cikaba—cikaba icakutinya kuli ulyo mwaume muli bulya Bushiku, ababulalesa.

³⁸ Ababembu abalapila, nangula, tabakwata umwenso. Oh, iyo. Umubembu uyo walapila, ena alishiba ukutila kwaliba Ilambo lya mulopa ililelolela, ilyakwiminina mucifulo cakwe. Ico ecimpela ine icisansamushi. Nalimona ubukata bwakwa Lesa. Nalyumfwa amaka Yakwe. Nalishiba ukwikata kwa kuboko Kwakwe. Nalishiba ukwikata kwa kukalipila Kwakwe. Nalishiba ukuti Ena ni Lesa. Kabili Nalishiba ukutila Nalipangululwa, lelo kuliko Umo uunjimininako. Ameni. Kuliko Umo Uwaiminina kulya nokutila, “Taata, bikeni amampulu yakwe yonse pali Ine, pantu ena ali Njiminineko

pesonde.” Alleluya! Elyo Naya ku Cipuna cabufumu cakwa Lesa, mukushipa, ukukwata ukusenamina mumutima wandi, ukwishiha ukutila cena tacaba ukupitila mumilimo isuma, lelo kuluse Lwakwe eko Napusukila. Tefilya fintu Ningacita, ifyo Ningailundako, ifyo Ningalanda; lelo kupitila mukusenamina Kwakwe uko Ena ampuswishe.

³⁹ Emulandu wine uwamushikakulo uyo wailwike ico, apundile ukutila, “Ukusenamina kwakupapusha, weciunda ukuwama, icapuswishe uwaonaika nga ine. Inshita imo nalilubile, lelo nomba Ninsangwa; impofu, lelo nomba Ndemonia.”

⁴⁰ Musango nshi Ningatalaya ku Muulu? Musango nshi mwingaya ku Muulu? Ifwe tekuti tucicite, ifwe, kibili takuli nshila nangu imo kuli ifwe ukucicita. Lelo kuli Umo uwapangile inshila. Kibili Ena e Nshila. Kibili kuti twafika shani kuli Ena? Ku Mupashi umo, Umupashi Wakwe, ifwe twalibatishiwa mu Mubili umo uyo uukabushiwa ngecipita mulwelele. Ifwe tukafuma mwisonde nga abenda mulwelele aba buno bushiku bwakulekelesha mucicetekelo cakwa Lesa. Ameni. Mucine. Ababembu abalapila tabafwile basakamana, Umuntu umo aliba muncende yabo.

⁴¹ Oh, lyena panuma twaisa mu Kubapo Kwakwe nomba, kibili ifwe twalishiba ukutila twaba mu Kubapo Kwakwe, ifwe twali Mumona ukucita ifintu ifyo Acitile ilyo Aali pano pesonde. Kuti waishiba shani...Kuti waishiba shani umwangashi uleloleshapo? Kucisabo citwala. Kuti waishiba shani ukuti ichalichi uleyako? Kucisabo ciletwala. Yesu atile, “Uyo wacetekela muli Ine, imilimo iyo Ncita nao akacita. Ifi fishibili fikakonka abo abacetekela.”

⁴² Nomba, tulemona Ena tatalilelashika ifwe ukuya mukupanga ifilonganino. Tatalile lashika ifwe ukuya mukupanga ifisumino. Lelo Alitusokele pakucita ifyo. “Pantu uyo onse uukafumya icintu icili conse kuli Cena nangu ukulundako icintu icili conse kuli Cena, umo wine akafumishiwamo, iciputulwa cabo, mwi Buuku lya Mweo.” Mwamona?

⁴³ Eico, ifwe tatwasontwa ukucita icintu nangu cimo kano ukwikala neco i Cebo. Kibili ngo muntu alitumwa na Lesa, ena ali nokwikala ne Cebo, pantu Lesa kuti atumafye ukupitila mu Cebo Cakwe. Mwamona? Mwamona, Ena alingile ukwikala ne Cebo Cakwe. Lyena ilyo twaisa mu Kubapo Kwkwe, ilyo umuntu inshita imo aisa mu Kubapo kwakwa Lesa, ena apilibuka pe na pe, nga cakuti kwaba ukupilibuka muli ena. Nomba, balya palya abo abenda mu Kubapo kwakwa Lesa nokukana posako amano kuli Cena. Ena tasontelwe ku Mweo. Lelo nga cakuti alingilwe libela na Lesa, lilya linefye kulya ukwenda kwakubalilapo kwafika, ena alicishiba. Ico caikata umulilo.

⁴⁴ Lolesheni kuli ulya cilende umunono kulya lubali bulya bushiku ku Samaria, ulyo mwanakashi. Ali mumano ayabipa na kumubili. Twalishiba ico. Lelo lilya linefy amwene cilye cishibilo ukucitwa, icakwa Messiya, atile, “Twalishiba ukutila Messiya aleisa mukucita ici. Ulingile ukuba kasesema Wakwe.”

Atile, “Nine ulya Messiya uyo walembelwe ukwisa.”

⁴⁵ Alicishibe. Taipwishepo ilipusho nalimbi. Atendeke bwangu bwangu nomulimo, ukwishiba ukutila nga alisangile ico nokwisa mu Kubapo kwakwa Lesa, ena aali nomulimo ukweba umuntu umbi palwa cena. Alleluya! Cisuma. Umuntu uuli onse uyo wisa mu Kubapo kwakwa Lesa aba uwashigamwa kuli Lesa, ukufuma pali ilya miniti ukuya pantanshi, ukweba umuntu umbi. Lolesheni kuli Abrahamu, lolesheni kuli Mose, lolesheni kuli Petro, lolesheni kuli Paulo. Akashitafye baisa mu Kubapo kwakwa Lesa, baishibe ukutila “babembu,” nokukakatika ubunte bwabo nomweo wabo. Lolesheni kuli namayo umunono, ena tekuti ekale nakabili, ena aile kumusumba nokweba abaume ukutila, “Iseni, mumone u Muntu uwanjeba ifintu ifyo Nacita. Bushe yu te Messiya?” Bena tekuti bakane Cena, pantu Cena cali ca mu Fyalembwa. Mucine. Ee, balingile ukucicita, umuntu, ilyo tukwete umulimo uwakweba bambi nga fintu Mose acitile, nga fintu Petro acitile, nga fintu Paulo acitile. Panuma yaifi fintu, imwe na mu Cimona nokwisa mu Kubapo Kwakwe, iwe uli uwashigamwa pa Mbila ukuya ku muntu umbi. Imwe tekuti mwikalefye tondolo na Cena. Imwe mulingile uku Cisenda kumuntu umbi.

⁴⁶ Ndeibukisha nkashi umukote uwaleba kuno, nyina wakwa Munyina Graham Snelling, aleikala muno mwine muchalichi, kibili aleimba, “Nintoloka! Ndebutuka, ukubutuka, ukubutuka, kibili Nintoloka kibili tekuti Njikaleko.” Ena asangilefye icintu cimo. Naile kuchalichi icinono icabafita ulubali lwa kuno mu Louisville, kibili bonse baliminine, ukwimba ukutila, “Ndeenda mu Musebo ukalamba uwa Mfumu, nin Cisanga, no kusenda Inshila iyapabuka!”

⁴⁷ Kwalibako icintu cimo palwa cena, ilyo mwasanga Kristu, imwe tekuti mwikale tondolo nakabili. Inshiku shakonkapo uli muntu wapilibuka, pantu ilyo umweo no Mweo fyaisa pamo, cipanga Ulubuuto ulwabengeshima. Mucine. Ilyo ikolobo balibika kuntambo, nga cakuti likolobo ilyalungama, lifwile ukupela ulubuuto; ilyo amalaiti nekolobo fyaba pamo, takuli cimbi lelo kusalanganya ulubuuto. Cifwile ukucita ico. Kabili lintu umwaume nangu umwanakashi amwenenwe libela ku Mweo wa Muyayaya, kibili bena bamona amalaiti yakwa Lesa ukwikata lilya ikolobo, lili nokuposa Ulubuuto kuncende shonse uko lingafika. Nalimo tekuti mucilepo pama wati ikumi limo, lelo uli nokusalanganya Ulubuuto ulo ukwete. Nga tauli ama wati imyanda isano, salanganya Ulubuuto lwamawati ikumi. Pela Ulubuuto lobe! “Lekeni ulubuuto lwenu lubalike ku cinso

cabantu, pakutila bengamona imilimo yenu iisuma nokucindika Taata uwa mu Muulu.” Ee, mukwai.

⁴⁸ Ilyo umuntu akumanya Lesa, alaishiba umwine eka ukutila “taba bwino.” Musango nshi umuntu engalaendaukilila nokuitakisha pafyo aba umukalamba kabilo nefyo acita, ilyo taba nangu cimo? Ena taba nangu cimo icakubalilapo. Ubushiku bumo kulya ku Memphis, ku Tennessee, nangu umo... Nshiletontonkanya cali mu Memphis. Cali ni imo pancende kulya. Nali na Munyina Davis kabilo nalikwete u—ukupuputulwa. Limbi cali niku Memphis. Kabilo aali, twaile kunshishi, kabilo balikwete kulya, tekunshishi, cali nincende balangishishako ifyakupanga, kabilo bena balikwete i—ifimpashanya ifikalamba ifyo bena bakwete ukufuma kufiputulwa ifyapusana pusana ifye sonde, ifyapusana pusana, ifyakwa Herclues nafimbipo, nabambi bakalenga ifyo bapentele. Kabilo elyo balikwete ukufwailisha kwa muntu uko kwafina amapaundi umwanda umo na makumi yasano. Namwishiba cinshi, umutengo ena aali? Ama centi amakumi cinekonse konse nayane. Ifyfe fyeka efyo aba. Ama centi amakumi cinekonse konse nayane yonseye—yonse imiti mwiningafumya muli ena. Nga bapentelako kuti fyaisusha apabikila inkoko, kabilo alikwata iyalinga, umucele uunono, imito iinono. Kabilo fyonse kuti fyashitishiwa amacenti amakumi cine konse konse. Lelo kuti twasenda yalya amakumi cine konse konse nayasano nokuibika panshi.

⁴⁹ Kwali abalumendo bibili abaiminine kulya, kabilo umo aloleshe umunankwe, atile, “Jim, tatuli abalinga nganshi ifwe?”

Atile, “Iyo, tefyo twaba, Yohane.”

⁵⁰ Natile, “Lelo loleleni pali miniti, balumendo, mwalikwata umweo mulya uyo uwafikapo ifyalo amakana ikumi limo, uyo uli, kuti walubulwa kumaka yakwa Lesa, nga muli nokucilekafye.”

⁵¹ Umuntu, ilyo amona ifi fintu, aba uwashingamwa ukweba bambi. Nalicimwene ilyo Nalifye umulumendo umwaice. Naposele umweo wandi onse pali ici. Cabipafye Nakwatafyemweo umo, kanshi nga Nakwete imyeo amakana ikumi limo. Nga Nalikwete Umuyayaya, nalyo line kuti Nafwaya ukweba abantu palwa cena, pantu cena cintu icikalamba nganshi ico Natalasangapo. Nga muli nokubelenga muli Esekiele 33, chapitala 33 iyakwa Esekiele, kwaliko kacefya uwabikilwe pacamba, kabilo uyu kacefya ali uwashingamwa pamusumba onse. Ameni. Nomba, shibukeni, mwebene kuli kampingu wenu uwa bumupashi pali miniti, ilyo Ndefika kuli ili Lembo. Ulya kacefya ali nokuba umuntu uwakanshiwa. Aali nokwishiba ifyo alecita, pantu pancende yamutali yonseilyo baimine, abalwani, ena kuti abamona. Aleishiba efyo baleenda pelete, alelanda ilangi lyabo, aleishiba nga cakuti babulwin bashani. Ukulinganafye ngefyo amenso yamuntu yengamona, ena kuti

acimona. Kibili aali uwasantama ukucila bonse abashala, pantu aali uwakanshiwa ku kwishiba umulwani. Kibili Lesa akabile umusumba onse mukuboko kwakwe. “Kacefy, ubushiku bwapel pesa?” Alleluya!

⁵² Ulya emusango abashilika bakwa Lesa bali ileelo. Balikanshiwa ku Cebo. Ilyo icantu cimo caisa icawkata ukuwamishiwa kuli cena, icawkata icantu cimbi ico te Malembo, bena balasoka ulukuta lwabo. Icantu icili conse ico icishaba muli Baibebe, icantu icili conse ico icisha—ico icishapala nga Lesa, icapala ngokukwata amalila yamuto, amalila yakushana, nafyonse fimbì, ukulipila bakakumba. Filya fintu fyalubana. Amangalo yabunko nemitebeto yanjuka mumu chalichi, cintu calubana! Kibili kacefy umwine mwine pacibumba, uyo inshita imo aali Mukubapo kwakwa Lesa... Nga ena tali pa cibumba, nga ena alingilefyé ukuba pacibumba, icibumba tekuti cibe icalepa ukucila ulukuta lwashala. Nomba nga nikacefy uwaltungama, Lesa alamwimya pamulu muncende emo abashala tekuti bafikemo. Lelo alemona umukuni, kibili Lesa alefwaya cena pali ena! Umuntu wakwa Lesa uyo wiminina mu Kubapo kwakwa Lesa, kibili alishiba ukutila Lesa ni Lesa, kibili alishiba ukutila Lesa alasunga i Cebo Cakwe, kibili moneni Lesa ukuicitila Umwine nokubomba umulimo Wakwe no kusunga i Cebo Cakwe, ukutila temulandu utubungwe nangu ifilonganino fyaesha uku Ciponya pansi, aleshiba amaka nemyendele yamulwani. Ameni. Aleshiba ifya kweba ulukuta, kacefy umwine mwine.

⁵³ Nga natulumbula ukutila Ena aba, ifwe twaliba mu Kubapo Kwakwe, kibili natulapila imembu shesu, bena balibafumya mwiibuuuku lya kwibukisha Kwakwe. Takwaba nangu umo kanofye Lesa ewingacita ico. Nomba, imwe kuti mwacita icantu icili conse kuli ine, Ndi nokumubelelo luse, lelo Ndi nokwibukisha cena. Nga kuti Nacita icili conse kuli imwe, imwe kuti mwanjelela, lelo muli nokwibukisha cena. Lelo Lesa kuti abeleta uluse nokucilabako. Tontonkanyeni pali ico, “wiesha nokucibukisha!” Ameni. Ico canenga ukumfwa bwino. Lintu cena tacibukishiwe nakabili, takuli icingacicita kano Lesa. Tapali nangu cimo lelo Lesa ewingacita ico. Atile Ena kuti acifumyapo mwi buuku Lyakwe ilya kwibukisha. Tekuti ncicite, tekuti ucicite, pantu twakwatafyé ifyakumfwa ifyakwata epo pipela. Lelo Ena takwata impela, Lesa, Ena kuti alabako mucine ukutila cena calitalacitwa. Ameni.

⁵⁴ Namayo umunono aishile ukufuma kwichalichi camumushi, kibili wishi wakwe aali uwamafashoni yakale, kashimikila uubilikisha, nangu membala wachalichi. Kibili eico aishile mumusumba ukalamba, kibili asakanishiwe nabanakashiki kulya, kibili atampile ukucita ifyo balecita, namafashoni. Kibili ubushiku bummo aali ngo wa nsoni kuli bawishi nabanyina ukwisa, nangu bawishi, ntile, ba nyina balifwile. Eico umwaume

umukote, icintufye ceka ico engacita, ukubuka ulucelo, ukulya icakulya cakwe icalucelo nokusenda Baibele noku Ibelenga, nokulila nokupepa nokubilikisha akasuba konse, nokubutuka uku no ku mumuputule, kabilo ena aali nensoni panono palwa cena. Eico lyena—lyena ilyo inshitafye yonse mubushiku, nga ena aikata Baibele, atendeke uku Ibelenga, ena kuti aimu ukufuma mubusanshi, nokubilikisha ukutila, “Ubukata kuli Lesa! Alleluya! Oh, ubukata kuli Lesa!” Ukunyantafye nokulila citika wabushiku.

⁵⁵ Eico ubushiku bumo aali no kusansamusha ba membala bakwe abakuchalichi namamalila yakunwa amkabe nga fintu lyonse bacita, namwishiha, eico taishibe eco aali nokucita kuli bawishi. Kibili, bali nibawishi. Eico atontonkenye ukubabika mumuputule wapamulu, nokutila, “Taata, tamulefwaya ukubapo ilyo balya banamayo baida, bushe teifyo?”

Atile, “Iyo, Nshilecetekela ukutila Ndefwaya ukucita ico.”

⁵⁶ Atile, “Ukuba, twalakwata abanakashi aba muchalichi pano ileelo, kabilo twalakwata ukulongana ukunono, ukulongana ukunono ukwa mapepo. Eico Nde—Ndemyeba, taata, cinshi tekuti mwilefye mumuputule wapamulu?”

Atile, “Ndecetekelafye Nalacita ico.”

⁵⁷ Eico atile, “Belengeni ili buuku ilisuma.” Kibili ena amupele ibuuku yafilengwa nalesa. Amupokele Baibele pakutila ena ekale tondolo. Eico alishibe ukutila nga ena abelenga Baibele, mulandu nshi, ena kuti alapanga icongo icungi pamulu palya. Eico ena aalifye pamulu wabena, namwishiha, uko bakwatile amalila yabo. Eico amupele ibuuku yafilengwa nalesa, nokutila, “Ili lisuma. Imwe mulingile ukulibenga, tataa, pantu lilanda icine conse palwa calo.”

“Oh,” atile, “Ndi nokuba uwansansa ukulibenga.”

⁵⁸ Eico atile, “Nomba kabiyeni pamulu palya nokwikala tondolo nganshi mpaka ababanakashi baleya, kabilo elyo Ndi... imwe mubwelele pansi kabili lyena kuti mwacita conse ico mulefwaya ukucita.” Alisumine ukucita ico. Eico aile pamulu, nokwikalako palya pamulu.

⁵⁹ Kibili bena bonse balikwete amalila yamakabe, namwishiha, ukulanda pali *ifi-na-ifi*, kabilo namwishiha ifyo ciba, ukukwata inshita yonse ikalamba. Kibili pali iyo nshita icintu cimo caishile lepuka pamulu wamasitepu, ukupunda conse nokutoloka, na shamende washingwile kucibumba aibuka. Umwaume umukote alebutauka uku noku nganshi mumuputule wapamulu namaka yakwe yonse, ukulatoloka toloka, no kubilikisha ukutila, “Ubukata kuli Lesa! Ubukata kuli Lesa!” Abanakashi tabaishibe icalecitika pamulu palya, ico bakwete pamiputule yapamulu. Eico aishile pansi, kabilo anina pamulu namaka yakwe yonse.

Atile, “Ba taata, Nimipela ibuuku lyafilengwa nalesa ukuti mubelenge.”

⁶⁰ Ntile, “Ee, Ninjishiba ico. Namwishiba,” natile, “Nacilabelenga muli ili ilya iyafilengwa nalesa pano umo umwaba incende muli bemb a iyo iishakwata pansi.” Kibili nacitila, “Nalebelenga pano pene muli Baibele mailo yafumineka, Atile Ena abika imembu shandi muli ‘bemb a wa kulabako.’ Ubukata bube kuli Lesa!...?...” Natile, “Shena shicili shileya. Tashakwata impela, shitwalililapofye ukuya.” Ico nacilungama. Kibili alebilikisha palwa shena. Ukuba, ico nacilungama.

⁶¹ Lesa abika imembu muli bemb a wakulabako, alashifuta shonse, kibili shiba kwati tashacitike. Oh, owe! Nomba twimininafye kukusenamina kwakwa Lesa, ukupitila muli Yesu Kristu Shikulu wesi, uwawililika kibili uwa mushilo, uwabafye uwa mushilo ngafintu Ali, pantu tamona Ine lintu Naisa palya, Amonafye Umwana Wakwe Wine. Enshila imo iyo Engamwenamo... tekuti amona ine, pantu Naba mu Mwana Wakwe. Kibili Amonafye Umwana Wakwe. Bushe ico tecisuma? Tatufwile ukutontonkanya palwa membu nakabili, shonse shalipwa, shaba pesamba lya Mulopo. Ee, mukwai. Tamufwile ukusakamana palwa shena nakabili, shonse shalipwa, kibili namu cakwibukisha cakwa Lesa tashabamo. Tebukisha shena nakabili.

⁶² Esaya ulya kasesema mukalamba, lintu alapile ku membu shakwe, atile, “Akaland a pali ine, pantu Ndi wa milomo iishawama.” Kasesema! “Ndi muntu uushawama imilomo, kibili no lukuta lwandi talyawama.” Mwamona? “Abantu Nshimikilako, baba abashawama. Naba uushawama. Kibili akaland kaba pali ine. Lelo kwaishile ibumba lyaba Malaika ukufuma ku Bukata bwakwa Lesa, lilepupusha ukubwesha a—amakumbi, kibili Naloleshe mulya mu muulu nokumona insempem shafyakufwala Fyakwe shalisusha u Muulu onse. Kibili Namwene aba ba Malaika abashatala abeshiba ifyo ulubembu lwaba. Bena tabatala abeshiba ifyo ulubembu lwaba, kibili bali mu Kubapo kwakwa Lesa, bakwete na mapindo yabili nabafimba pafinso fyabo, nabakwata amapindo yabili ayafimbile amakasa yabo, kibili balepupuka namapindo yabili, kibili balanda akasuba nobushiku ukutila, ‘Wa mushilo, wamushilo, aba uwa mushilo Shikulu Lesa.’” Whew. Ico kuti calenga iwe ukumfwa kwati waba uushaba wa mushilo, bushe teifyo? Nomba, cinshi ico actile? Atile, “Akaland a pali ine.”

⁶³ Kibili lintu imembu shakwe nokutila “akaland kuli ine,” Malaika aile kulya no kusenda ulumano, asendele ilasha lya mulilo ilyo ilya iminineko Mupashi wa Mushilo no Mulilo, kibili aishile nokulipisha pa milomo yakwa kasesema, nokutila, “Nakuwamya.” Nomba amapindo yaputile munshila *ngefi*,

ukufumyamo ifipemba fya nshita, kabilo aumfwile Lesa aletila, “Ninani wala Twilako?”

⁶⁴ Lelo panuma asangile ukutila kwali inshila iya kufumishamo ulubembu, Lesa alefwaya umuntu umo Uku mulako, kabilo ena atile, “Ndi Pano, ntumeni.” Ali mu Kubapo kwakwa Lesa, kabilo alapile ku membu shakwe, kabilo bamuwamishe ku membu shakwe, kabilo uwaipekanya ku milimo. Ameni.

⁶⁵ Ilyo kashika wamushikakulo aikete ico, atile:

Amamillioni nomba yali mu lubembu nefya
nsono balefwa,
Umfweni kukulila kwabo ukwabipa ukwa
bulanda;
Angufyanya, munyina, angufyanya
ukubutukila kukupususha kwakwe;
Mukwangufyanya aasuka, “Shikulu, Ndi
pano.”

⁶⁶ Lintu Natontonkanya pali Africa, India, nokushinguluka isonde, ama millioni yaba senshi balebilikisha ukuti engababelelako uluse, kabilo ninani alaya? Tekubapela utu pepala twakubelenga, lelo kuleta bena kuli Yesu Kristu. Umuntu umo ukuba mu Kubapo Kwakwe, nga Mose, ulya uwaile kulya noku balangisha ukulubuka kwa cine. Tekubalenga ukuyampanya ku chalichi, nangu ukuposhanya mu maboko nokukwata icakusuminamo, lelo ukuleta ukulubulwa ku mweo wabo; umuntu umo umusuma uwabu lesa. Ee, Esaya alapile ku membu shakwe kabilo nokumuwanmya.

⁶⁷ Panuma Yakobo ashombweke ubushiku bonse, mukulapila imembu shakwe, muleibukisha incende alipo? Yaitilwe Peniele, P-e-n-u-i-t-e-l-e, Peniele. Ishina *Peniele*, muci Hebere, cipilibula “icinso cakwa Lesa wa Maka yonse.” Yakobo, uushakwete icakwishibikilwako cinono ica mu cinshi conse calipwile...ishina lywakwe lyalni *Yakobo*, icipilibula “kabepa,” uyo wa bufi, abutwiike umweo wakwe onse, ukufuma kuli Lesa, lelo lintu pansiha imo aingile mu Kubapo kwakwa Lesa pa Peniele, mucinso cakwa Lesa, aikatilile Lesa kabilo tamulekeleko Ena. Lesa, tulefwaya ba Yakobo abengi. Ena aikatilile ku cinsuo cakwa Lesa, mu Kubapo kwakwa Lesa, aikele mpaka bwaca. Lesa atile, “Lekenine ndeya, pantu akasuba nakatula.” Kabilo aikele mu cinsuo cakwa Lesa mpaka akasuba katula, lelo afuminepo uwa lungamikwa kabilo uwapusuka. Huh.

⁶⁸ Oh, we cintu cikalamba we wali, nomba, ukwishiha ukutila ashombweke ukupwisha. Ico cali, alimwene ifishibili fyakwa Lesa, alikwete ifiloto palwa Lesa, lelo iyi yali ninshita ali mu cinsuo cakwa Lesa, mu Kubapo kwakwa Lesa. Tontonkanyenipali ico, bacibusu. Nomba, ilyo tule angufyanya. Mu Kubapo

kwakwa Lesa, umuntu alacinja. Yakobo alicinjishe. Nomba ena aleenda pamo na Lesa. Ee, ali umuntu wapusanako ukucila ifyo ali lintu kulya. Ubulwi nomba bwali pwile. Ee, mukwui. Kibili atampile ukukula icipailo. Tabeleshe ukukula ifipailo, namwishiba. Lelo, Ndekweba, lintu iwe waisa mu Kubapo kwakwa Lesa, ulefwaikwa wakula icipailo ku ncende kuno. Ufwile wasanga pa ncende pamo apo iwe ufwile ukulapepela. Ena akulile icipailo. Bali muwamishe, kabili Lesa ali cimfishe.

⁶⁹ Kibili Yakobo alicinjishiwe ukufuma kuli *Yakobo*, “kabepa,” ukuya kuli *Israeli*, “cilolo, ukukwata amaka na Lesa.” Ico ecacitike kuli Yakobo. Kabepa, uwabufi, uushalungama, uwabula umushilo, uwabufi, abepele munyina wakwe, aibile ububeli, ngafintu cali, ukufuma kuli munyina wakwe, asendele inshila iyabipa iyakucitilamo ico, kabepa waba ifyo. Abepele wishi-fyala. Abikilemo utumuti nokukwata utwana twa ng’ombe utwa fibala, lintu ing’ombe sha imita shaisa palya, shalolesha pali cilya, ne mpaanga...shamona kalya akamuti kafibala kupangamo ing’ombe shafibala, ukushipela ifya kwishibilako pakupapa. Nikabepa, ukubepa wishi-fyala wakwe umwine. Abepele nyina wakwe, abepele wishi wakwe, abepele munyina wakwe, lelo lintu pamuku umo aingiule mu ku...Ali uwaumfwa insoni. Alebutukila konse uko aile, lyonse alebutuka ukufuma kuli Lesa, alebutuka ukufuma kuli munyina wakwe. Lelo lintu aishile mu Kubapo kwakwa Lesa, alishibe ukutila mubembu. Cinshi ico acitile? Cinshi ico acitile? Amwene inshita yakwe. Akumenye icintu cimo ico tatontonkenye napo kunuma, kibili aikele palya mpaka imembu shonse shafuminepo. Oh, owe! Lesa amwingishe mu Kubapo Kwakwe Umwine.

⁷⁰ Lesa alatungulula inshila iyakubikamo abantu mu Kubapo kwakwe, nomba elyo bapanga ubusalo bwabo. Bamo balabutuka ukufuma kuli Ena, bamo babutukila kuli Ena. Ngacakutila bamwenenwe libela ku Mweo, bena balacetekela Cena, bekatitlila kuli Cena. Ngacakutila tabali ifyo, balesha ukufumako nokutila, “Tapali nangu cimo kuli Cena.” Mwamona? Kibili uyo emuntu waluba. “Umuntu uyo ulapila ku membu shakwe, ali nokwelelwa. Ngacakutila wafisa ulubembu lobe, iwe tawakatunguluke.” Iyo.

⁷¹ Eico Yakobo lintu ena, namwishiba, ubushiku bwakonkelepo akumenye Esau munyina wakwe. Talekabila ubwafwilisho ukufuma kuli ena lilya. Talekabila naba bulwi bwakwe. Ali mu mulimo wakukuula ifipailo. Taletina Esau nakabili.

⁷² Amalumbo 16:8, David atile, “Nalibika Shikulu ku cinso candi.” Ico ecintu icakucita. Amalumbo 16:8, “Nalibika Shikulu ku cinso candi.” Eico, tekuti abe uwafulungana palwa ico. Alefwaya ukuba uwaibukila pa Kubapo Kwakwe, eico Davidi atile, “Nalibika Shikulu lyonse ku cinso candi. Nomba Ine, Davidi, nalibika Shikulu ku cinso candi, lyonse ukuba uwaibukila—uwaibukila pa Kubapo kwakwa Lesa.” Bushe

ico tekuti cibe isambililo lisuma kuli ifwe bonse muno nshita yabushiku? Ukubika Shikulu ku finso fyesu pakutila ifwe twaba aba ibukila pa Kubapo Kwakwe. Ukubika Ena uwakubalilapo. Mulandu nshi? Ukubika Ena uwakubalilapo, ku cinso cobe. Mulandu nshi? Nomba iwe tekuti ubembuke lintu wailuka ukutila lyonse mukutwalilila iwe ulaba mu Kubapo kwakwa Lesa. Lintu wailuka ukutila Lesa epo ali, iwe uuli nokumona ico ulelanda.

⁷³ Umuntu, lintu atontonkanya ukutila Lesa talipo, kuti atipa, kuti akwata ulunkumbwa lwa banakashi, kuti acita...kuti aiba, abepa alanda ubufi. Ena kuti acita icili conse lintu atontonkanya ukutila Lesa tamumwene. Lelo mulete mu Kubapo kwakwa Lesa, ena kuti aleka ico nomba line. Mwamona? Kabilis Davidi atile, "Nalibika Shikulu lyonse ku cinso candi." Ico ecintu icisuma. Emulandu Lesa atile ali umuntu uwali pa mutima Wakwe Wine. Umuntu kuti acita icili conse lintu atontonkanya ukutila Lesa tali mupepi. Lelo lintu ailuka ukutila Lesa ali mupepi, bushe mwalitala amumona umubembu? Lekeni umuntu wa bulesa asepo, kuti aleka ukutipa kwakwe, ngacakutila alikwata umucinshi ubili onse. Mwamona? Tekuti alande ifyakusekesha ifyabipa ifyo engalanda. Mwamona? Mwamona, kuti aleka ifyo, pantu naishiba ukutila ali mu Kupabo kwakwa Lesa, pantu Lesa ekala mwihemba lya bantu Bakwe. Mwamna?

⁷⁴ Panuma Davidi acitile ici, atile, "Umutima wandi uli nokusangalala." Kuti nafwaya mwabelenga ico, mu Mulumbo 16. "Umutima wandi uli nokusangalala, kabilis no mubili wandi uli nokutusha mwi subilo." Mulandu nshi? Umutima wandi uli nokusangalala pantu Nikwata Lesa ku cinso candi inshita yonse. "Kabilis umubili wandi uli nokutusha mwi subilo; ngacakutila Nafwa, Nkabushiwa nakabili. Pantu Takaleke uwa Mushilo Wakwe Umo ukunona ukubola, nangula Ukusha umweo Wakwe ku mbo." Mwamona? Lintu Davidi abikile Lesa ku cinso cakwe, kabilis ali uwaibukila ukutila munshita yonse ali mu Kubapo kwakwa Lesa. "Fwayeni mukubalilapo u Bufumu bwakwa Lesa."

⁷⁵ Nomba kutikeni, mwe chalichi, Nalimitemwa. Kabilis Ndefwaya imwe mukutike kuli ine nomba. Nga fintu Munyina McCullough alelanda, "Nalalanda apo icintu cimo." Lyonse mulebika Shikulu ku cinso cenu, kabilis tamufwile ukucita nangu cimo ico tamwingacita mu Kubapo Kwakwe, pantu Alamona pali imwe. Mwamona? Shikulu alapanga inkambi ukushinguluka abo bonse Abamutina. Ena tacita...Ekalafye mupepi na imwe. Kabilis Aleshiba ifintu fyonse mucita, kabilis mufwile mwaishiba ico. Lintu watampa ukulanda ubufi, taufwile wacita ico, ibukisha, Lesa alekutika kuli iwe. Ngacakutila watendeka ukubepa panono, taufwile ukucita ico, Lesa alelolesha pali iwe. Ngacakutila watampa ukulanda

Ishina Lyakwe apafye, taufwile ukucita ico, Lesa alekutika kuli iwe. Watendeka ukupepa umushanga, Alekumona. Mwamona? Icakwe... Twaleimba ulwimbo, "Monse munshila ukuya kubwikashi bwa mweo wa cine, kwaliba ilinso likumona; ulutampulo lonse wa enda, ili ilinso likalamba lilamona, kwaliba ilinso likumona." Ibukisha, ufwile ukucita nga Davidi, ulebika Shikulu lyonse kutanshi yacinso cobe. Nomba umutima obe uli nokusangalala kibili no mubili obe uli nokutusha mwi subilo, pantu Alilaya ico. Ee, mukwai. Alishibe ukutila ali nokubuuka pantu Lesa alilaile ico. Nacilungama.

⁷⁶ Lintu twaisa mu Kubapo Kwakwe, tulacinja, tatuba cimo cine. Lolesheni ukuya monse mu nkulo, muli conse icabwikashi, pa muntu. Lolesha pali Abrahamu. Iwe watila, "Ukuba, ubwikashi bwacinja bwaba kapyunga fye." Oh, iyo. Ubwikashi bwa cinja bwa muntu onse. Mwamona?

⁷⁷ Nomba Abrahamu ali mulimi, lelo lintu aumfwile Ishiwi lyakwa Lesa lilelanda kuli ena, nokumona cilya icimmonwa, ali umuntu wacinja ukufuma pali ilya nshita ukuya kuntanshi. Aipatwileko umwine ukufuma ku bantu bakwe, ukufuma kufibusa fyakwe fyonse, nokwenda ngo mulebeshi kibili umweni, mu calo iceni, mu mweo wakwe onse, aleikala muma tenti, pantu icine cine alandile ukutila alefwaya umusumba uyo Kakula kibili Kapanga ni Lesa. Alishibe ukutila Lesa eko aba, kibili kwaliba umusumba kuncende imo Uyo Kakula kibili Kapanga ni Lesa. Ifyo Aba Hebere 11 itweba, ukutila alefwaya umusumba uyo Kakula kibili Kapanga ni Lesa. Ali umuntu wa cinja, cibe tali nangu cimo lelo umulimi fye. Lelo amwene icimonwa nokwisa mu Kubapo kwakwa Lesa, kibili ali umuntu uwacinja ukufuma palya nokuya ku ntanshi.

⁷⁸ Mose, ali ni kacema, lelo ali umuntu uwacinja lintu aishile mu Kubapo kwakwa Lesa. Ali ni camwenso, alebutuka ukufuma kuli Farao, nomulalo waba bulwi onse kunuma yakwe. Lelo nenkonto mukuboko, abwelelemo nokuya senda icalo conse. Mwamona? Mulandu nshi? Aishile mu Kubapo kwakwa Lesa. Ali umuntu wacinja, kacema.

⁷⁹ Petro, umulondo we sabi, taishibepo nangu cimo palwa kwipaya isabi... nangu ukwishesibapo cimo palwa kwa Lesa, icintufye cimo limbi aishibe cali musango wakwipailamo isabi. Lelo lintu aishile mu Kubapo kwakwa Lesa, kibili nokumona Kabumba mukalamba uyo Kapanga we sabi, lintu Amwebele ukuposa amasumbu ukuti bayatinte. Tapali isabi ili lyonse palya, ena atintile fye amasumbu yakwe ukuya fumya. Lelo atile, "Pa Cebo Cenu, Shikulu. Ni ncetekela ukutila Imwe nimwe Mwana wakwa Lesa, kibili ngacakutila Imwe mwaleka... ngacakutila Ine naposa amasumbu, Imwe munjebele ukucita ico; ku Cebo Cenu, pantu Imwe ne Cebo Cenu mwaba cimo cine, Ine naposa isumbu." Kibili lintu atendeke ukutinta, aatile, "Kabiyeni, Shikulu, Ine ndi muntu walubembu." Mwamona,

umuntu we sabi, panuma Petro akumenye Kristu tatalile aba cimo cine nakabili. Ena, panuma, ali uwa cine nganshi kuli Lesa, apelwe imfungulo shaku Bufumu. Ee, mukwai.

⁸⁰ Paulo, umu Fariseo wapa-lwakwe, kibili uwakanshiwe mufya bukapepa bonse ubwa mwi... bulya ubwaliko mwi sonde muli bulya bushiku, umo ubwaliko mwi sonde bulya bushiku umo pabasambile ukuya apatali mu calo. Lelo lintu aishile kuli ilya Ntumba ya Mulilo ubushiku bumo, Lesa ulya alepakasa, mukukana ishiba. Ali mu Fariseo, tacetekele ukutila Lesa ali Muntu. Aishibe ukutila Lesa ali ni Ntumba ya Mulilo, Iyo tungulwile abantu Bakwe ukubafumya mu Egypto, Yena yali pamo nabena mushila yonse. Lelo lintu amwene iyi Ntumba ya Mulilo, aponene pa cinsö cakwe. Kibili aumfwile Ishiwi liletila, "Shauli, mulandu nshi ulempakashila Ine?"

Atile, "Nimwe Banani, Shikulu?"

Atile, "Nine Yesu."

⁸¹ Ena ali niulya muntu uwatile, "Nimumusango nshi wabatishiwemo?" Ena ali mu Kubapo kwakwa Lesa. Ali umuntu wacinja ukufuma palya nokuya kuntanshi, ali mu Kubapo kwakwa Lesa. Cena cacinjishe umuntu.

⁸² Charles G. Finney, ndubulwila, ndubulwila mukalamba uwamu Philadelphia, lelo lintu aishile mu Kubapo kwakwa Lesa ashile ukusambilila kwa mafunde yakwe nokuba kashimikila wamaka nganshi untu cino calo tacatala acikwatapo.

[Pali tepu tapali amashiwi—Kale.]... ali ni kashimikila, pantu ubushiku bumo aishilebe mu Kubapo kwakwa Lesa. Atontonkenye, umuku umo, ali nokusambilila ifya bupyungishi. Mwalishiba ibuuuk lyakwe. Nasangile ukutantikwa kwa mweo wakwe ukwalembelwe na ena umwine. Aile mukupeepa. Atontonkenye ukutila ali ni kashimikila. Alikwete icakukabilä, icakutila alefwaya ukushimikila, kibili akwete ena amasambililo ayanono ayo alefwaya ukushimikilapo. Aile ubushiku bumo, afumine mwi ofeshi lwakwe, ukuya mukupeepa, aile mufimuti. Aile kunuma ya cimuti icamuti icawile ku mwela, apo aleya cila cungulo. Ali uwa bukapeepa nganshi, lelo tacetekele muli Ico.

Kwali abanakashi babiili mu chalichi, abatwalilile ukutila, "Mista Finney, ifwe tulepeepa ukutila iwe ufwile wakwata Mupashi wa Mushilo."

Atile, "Alikwata Mupashi wa Mushilo." Atile, "Ndi kashimikila."

⁸³ Batile, "Mista Finney, iwe uuli muntu mukalamba, kibili walikwata ukwikatilila kukalamba ukwa Cebo, lelo ulekabilä Mupashi wa Mushilo. Ifwe tulemipepelako." Banamayo abanono abasuma.

⁸⁴ Eico atwalililepo, atwalililepo. Eico cila bushiku aleya kunuma ye ofeshi lwakwe, umukalamba wancito yakwe nabonse palya alebombela, kabilo alefuma mwi ofeshi lyakwe ilya mafunde nokuya kunse kulya mukupeepa. Kabilo ubushiku bumo ali kunse kulya alepeepa kabilo aumfwile icakwesele. Atontonkenye ukutila umukalamba wancito wakwe aleisa palya, alemufwaya. Atolweke bwangu bwangu. Aletila, "Shikulu Lesa, Nalicetekela Iwe." Brasho imo yalikontweke, atile, "Uhm! Uhm! Uhm!" aiminineko nokutila, aloleshe ukushinguluka, ukumona icakontwele brasho. Kabilo cali palya pene nomba aishileba mu Kubapo kwakwa Lesa. Ailwike ukutila ukukontoka kwa brasho kwalikwete ubwiminishi bumo. Aiminine palya, ifilamba filekonkoloka pansi pa masaya yakwe. Atile, "Limbì balya abanakashì nabalungika. Ndi nessonì pa muntu umo ukumona ine ndelanda kuli Lesa wandi, lelo kuti Natontonkanya ukutila cena cakucindikwa ku muntu umo ukumona ine ndelanda ku mukalamba wa ncito wandi. Bushe tacili icikalamba ukucilapo pali Shikulu wandi no mukalamba wa ncito wandi!" Atile, "Shikulu, njeleleniko kabilli njisushenimo na Mupashi wa Mushilo," atampile ukubilikisha no kupunda. Ali mu Kubapo kwakwa Lesa. Abutukile mu musumba mukwangufyanya ukuya kwi ofeshi lyakwe. Atendeke ukubilikisha apakalamba nganshi kabilo aile kunuma ya ciibi, atile, "Shikulu, Naleta icansonì pali Imwe. Mfiseni pano mpaka Mfume muli ici icamaka." Mulandu nshi? Ena aishile ku Kubapo kwakwa Lesa. Ali umuntu wacinja. Amasambililo ayo aleshimikila, ashimike yonse yamo yene kabilo ne mweo yaishile ku cipailo. Mwamona, ena ali mu Kubapo kwakwa Lesa.

⁸⁵ Moody, umukalamba munono kapanga wa nsapato, taishibe na ABC wakwe. Ico nacilungama. Ìmilandile ya lulimi tayali bwino. Umuntu umo amwebele ubushiku bumo ukutila, "Imitantikile yamashiwi yobe intu yabipa, Mista Moody."

Atile, "Lelo Ndaleta imweo iingi kuli uko kwine ukubipa." Eico . . .

⁸⁶ Ubushiku bumo mu mapepala ye lyashi, kalemba mukalamba alebèle mwipepala. Aile kulya mukuyamona ifyo uyu muntu alekwata amabumba ya bantu pe samba ya mibele ili yonse, umukalamba umuntu munono, uwepala, naafyonse ifintu, kabilo akwete ne mwefu yapa muulu iyalepelela ukuya pansi, uwali nolufumo ulwaina, kabilo ali umuntu uushalemoneka-bwino uwakuti tekuti uloleshe nako. Eico ili pepala lye lyashi mucine cine lyalembele ifingi pali ena, atile, "Nshilemonamo nangu cimo ico umuntu uuli onse mwi sonde enga monamo muli Dwight Moody." Atile, "Aba uwabipa pa meno, ishiwi lwakwe ilinono ilisasala, alikwata imwefu yapa muulu iilola pe samba ukufika mumusana, ipala lwakwe lyaba nge cipushi." Kabilo atile, "Bushe mwi sonde kuti mwaba umuntu umo uwingaya nokumonamo icintu muli Moody?"

⁸⁷ Eico maninja wakwa Moody alimwene ico, atile, "Lolesheni, Mista Moody, Nalakubelengela ici." Moody tekuti abelenge ico umwine. Eico atile, "Nalakubelengela icalembwa nakalembe mukalamba." Kibili alembele ico.

⁸⁸ Moody apukwinyefye ifipeya fyakwe, atile, "Icine cine teifyo, bena besa mukumona Kristu." Epelafye. Mulandu nshi? Ena ali mu Kubapo kwakwa Lesa. Ukufuma mukupanga ifinyantilo fya munsapato, ifyakutila abantu bafwala; apele abantu i Mbila nsuma iyakupekanya. Mulandu nshi? Ena aali mu Kubapo kwakwa Lesa. Nacilungama.

⁸⁹ Uwanakashi munono pa nshita imo aishile mu Kubapo kwakwa Lesa, uwasekwa nga fintu aali. Mukashita akanono lintu ailwiike ukutila ali mu Kubapo kwakwa Lesa, ulubembu lonse lwalyelelwe kibili ali uwawama nokubuuta nge tunda. Oh, owe! Nibanga na bambi abantu Ningeta pano, inshita tekuti isuminishe.

⁹⁰ Lelo Ndefwaya ukulanda panono pali ine nemwine. Cinshi icingaba icacepesha ukucila pali ine? Nikwisa Nali? Nafuma mu lupwa lwaba cakolwa, nafuma mu lupwa lwaba kepaya, nafuma mu lupwa lushitisha ubwalwa ukwabula ulusa. Kibili mwalishiba ico, onse pali imwe mwalishiba ico, mwalishiba no musango we shina twakwete pano. Abantu tabalelanda kuli ifwe pa musebo. Ine kuti naya pa tauni, natampa ukulanda ku muntu umo, takwaleba nangu umo uwakulanda kuli ine kano umuntu umo uushaishiba. Ena kuti alanda kuli ine, umuntu umbi aisa, ena kuti andekafya ansha. Kibili kuti Naiminina palya nokutila, "Iyo, ici tacifwile ukuba ifyo, cena tekuti cibe ifyo. Ici cintu calubana."

⁹¹ Lelo ubushiku bumo Naishile mu Kubapo kwakwa Lesa. Ancinjishe nokumpanga umusango umbi uwa mwana. Ukusenamina Kwakwe kwandetele mu Kubapo Kwakwe. Nshifwaya uku Cisha. Naba pano nomba pa myaka-amakumi-yatatu. Nshifwaya ukusha Ico. Nalikwata icakushininkisha ukutila Ndi lyonse nokuba Palya. Nangu imfwa palwa iko tayakatale ukumfumyamo mu Kubapo Kwakwe. Iyo. Nkaba pamo na Ena umuyayaya. Lintu Namwene u Kubapo Kwakwe mu nshita yakubalilapo, Nalilile nga Esaya, "Akalandu kuli ine." Nomba Ankumishe noku senamina Kwakwe. Nali umuntu wacinja. Cisanguka munono uwalefuma pano nokutwalililapo na fyonse, ali cinjishe, kibili nomba ukufuma palya Naliba umwana Wakwe. Ukufuma palya, Nakabila ukupela umweo wandi onse ku mulimo Wakwe, kanshi Nganakwete imweo amakana ikumi ukucilapo iyakupela kuli Ena. Uyu umo uleya ulepwa nomba, imyaka amakumi yasano-na itatu naipita. Limbi amakumi yatatu-na itatu iya iyo efyo yaba, nangu amakumi yatatu-na iibili iya iyo yaba mu Mbila nsuma. Kanshi Nganakwete ikana limbi ilyo Ningabobelamo. Mulandu nshi? Lintu umuku umo Nali mu Kubapo Kwakwe kibili nokwiluka

ukutila kwaliba Umuntu umo Uyo uwatemwa abashatemwikwa, kwaliba Umuntu umo uwantemenwe lintu takwali nangu umo umbi uwacitile, kwaliba Umuntu umo Uwa nsakamene lintu takwali nangu umo umbi uwansakamene. Nabikile amaboko yandi ukushinguluka icapindama Cakwe, Nakumbatile cena nemwine, kabili ine na Ena twaba umo nomba. Kabili ukufuma nomba nokuya kuntansi Nalimutemwa Ena. Ashingile icifuba candi no mutima wandi no Mulopa Wakwe, ukupitila mu kunkumya namukwelela imembu shandi, kabili Ndi ne nsansa muno nshita yabushiku ukuba umo pa Bakwe. Nshatala kabilia ukusha ino ncende yamu Myuulu, nangula katunka alesha ukumbeleleka ilingi line alesha; lelo Naliba uwacingililwa mu ncende iikalamba iyakwa Lesa, kabili naba uwansansa mukutemwa Kwakwe namu kusenamina, kabili Naikala ku lubali lwa alleluya. Owe! Cilenga umutima wandi ukusangalala.

⁹² Ndelanda ukutila Ena alilinga ku muntu onse uwanaka. Ndela Ena kuli imwe mwebashakwata isubilo. Imwe mwebashatala ukuba mu Kubapo Kwakwe, icintu cimofye mufwile ukucita kulapila imembu shenu nokwiluka iwe walilufyanya, kabili Lesa nakwata ulya Malaika uwalashikwa muno nshita yabishiku, uwitwa Mupashi wa Mushilo, uyo uwingafumyapo imembu shenu shonse. Nomba iwe landa ukutila, “Shikulu, Ndi pano, ntumene.” Nomba wimyeko amaboko yobe nokwimba, “Ndemulumbanya Ena! Ndемulumbanya Ena! Lumbanyeni umwana wa Mpaanga uwaipaiwe pababembu. Mupelemi Ubukata, imwe bonse mwe bantu, pantu u Mulopa Wakwe wa fumyapo cila itoni.” Nalimutemwa Ena. Tamwa mutemwa? Ukwikala mu Kubapo Kwakwe!

⁹³ Naisa ku cintamba kuno muno lucelo, ndeumfwa ububi nganshi kabili umulwele nganshi ukufuma...Ine-Ine nali kulya ku Kentucky uyu mulungu wafumineko pamo nabamo bacibusa bandi abekele pano. Ngacakutila Naikale kulya pansiita iitali, bena ngabalnjipeye, icine cine ngabalicitile, kuluse, bambo bakepika abasuma Naishiba mu mweo wandi. Kabili lintu Nafikile apa ku fika kwandi, nali cililepo, “Munyina Branham, bushe tekuti ubulepo fimo pali fii?” Kabili cali fye icisuma nganshi, Naeseshe fye ukusunkilisha fye na mukati. Nalikwite nganshi Nafililwe nokwenda. Ine-Ine nafililwe nokulala, kabili Naleima nokwendako pakashita akanono. Kabili Nshacilaumfwa bwino nganshi lintu Nacingila muno lucelo. Lelo umuku umo lintu Naisa mu Kubapo Kwakwe, ico ninshi capwa. Ico ninshi capwa, cena conse nishi cafumapo. Ico nacilungama. Oh, ukwikala mu Kubapo Kwakwe!

Ine ndi nokulumbanya Ena, Ine ndi
nokulumbanya Ena,
Ukulumbanya umwana wa Mpaanga pa
kwipailwa pa babembu;

Mupeleni Ubukata imwe mwe bantu bonse,
Pantu u Mulopa Wakwe walifumya cila itoni.

Natukotantamike imitwe yesu nomba.

[Munyina Branham atendeka ukuing'witawila *Ine Ndi nokulumbanya Ena—Kale.*]

Pantu Alincitila ifintu ifingi;
Alyelela amampulu yandi;
Kabili u Mulopa Wakwe walisamba ulubembu
lwandi.

Nala Mulumbanya, Nala Mulumbanya,
Lumbanyeni i Mpaanga pakwipaila
pababembu;
Mupeni Ena ubukata mwebantu bonse,
Pantu u Mulopa Wakwe walisamba
ukufumyapo cila itoni.

[Munyina Branham aing'wing'winta *Ine Nala Mulumbanya Ena—Kale.*]

⁹⁴ Nomba ngacakutila iwe uli umo muli ino nshita ya bushiku... Kabili Ninjishiba u Kubapo Kwakwe kuli pano. Naiminine mulya pakashita akanono, ku mukashana umunono uwaku Church of God, Mupashi wa Mushilo aishile pali ine lintu Nalepepelako ulya umwana munono. Abafyashi bafumine pancende apo balekwatila inkambi ya Anderson Church of God. Kabili na kacefyा kulya, alishibe umwana, ba dokota batile "kuti... ena afwile ukufwa palya pene, nobulwele bwakupwa umulopa." Umunono, umukashana munono umusuma, mu nshita shakwe ishakulekelesha nomba. Aishile palya nokfungulula ukuboko kwakwe kuli ine, konse kwali ukwafimba, ku nshindano nefintu fyali mukati, kabili ifyamakumbi makumbi. Naloleshe pali ena, Namwene icimonwa. Abafyashi bakwe elyo bafumine mukumubelegela ibuuku kulya. Tabaishibe nangu cimo palwa ico. Kacefyा mukalamba mu nkambi mulya uwabebele, ewabebele ukuleta umwana pano. Balefwaya ukubwela lintu twakwete ukulongama kwa bundapishi. Kabili Natile, "Leteni umwana nomba," naumfwile ukutungululwa.

⁹⁵ Lintu Naiminine mulya mwine, Mupashi wa Mushilo abwelelemo nokuleta ilyashi lyabwikashi bwa mwana. Ukulanda fyonse ifyacitike, ifyo bacitile. Ukulanda pa fyakufwaya fya mukashana munono, fyali fyakuba kalisha wa cinanda. Kabili ulya nyina nicikanga fye nokubilikisha. Kabili ulya wishi atile, "Ico e cine cakwa Lesa." Baikeli palya pene muli motoka nomba balekutika kuli ico, balifililwe ukwingila mukati, baikeli palya balekutika kuli ico.

⁹⁶ Kwaishile icinshingwa cacifimbo cikalamba caleselela pa mwana. Kabili Natile, "Satana, walicimfiwa." "Imwe tamucindika umuntu, mwe Lesa. Kabili mu maka yakubuka

Kwenu, kabiila nga nemubomfi Wenu, Natamfya uyu ciwa ukufuma mu mwana.” U Lubuuto lwabeka ulukalamba lwa byatile pa muulu wakwe, lwapitile. Ameni. Cinshi? Icine cine, Ena alilinga ukulumbwia!

⁹⁷ Alishiba ifintu fyone. Alishiba umutima obe. Naiwe walishiba ifyo utontonkanya; Alishiba, pamo. Ngacakutila pali ulubembu lunono ulukobeme pali iwe muno nshita ya bushiku, kabiila tekuti uwawaye ukuya mu Kubapo kwakwa Lesa na ico pali iwe, bushe kuti nakabili waimyako ukuboko kobe nokutila, “Munyina Branham, mpepeelako, Ndefwaya ukuba mu Kubapo Kwakwe muli bulya Bushiku, uwabula umulandu.” Lesa amipale. Amaboko ayengi yaima, Lesa namona yonse. Mu Kubapo Kwakwe. Nomba Nalamyeba ifyo mwalacita. Nomba imwe kutikenifye bwino bwino. Citeni nga fintu Davidi acitile, bikeni Shikulu kuntashi yenu nombaline. Bikeni Shikulu pakati kenu nolo ulubembu, lonse ulo ulubembu lunono ulule milungulusha. Lwena limbi kuti lwaba kubepa ubufi, limbi ukwiba, limbi kuti lwaba kutontonkanya ifyabipa, limbi kufulwafulwa, limbi ukukolwa, limbi ukupeepa, limbi ukuteya injuka. Nshishibe ifyo cingaba. Lwena limbi lunkumbwa lwabanakashi. Kuti lwaba ululi lonse. Nshishibe ifyo lwingaba. Lonse ulo lwingaba, bikeni Shikulu ku ntanshi yenu. Kabiili nomba umutima wenu wala sangalala, no mubili wenu uli nokutasha ne subilo, pantu imwe namwishiba ukutila Kristu alaile ukutila Ali nokwimya nakabili mu nshiku shakulekesha. Lintu Akesa moneka, tukaba mumimonekele Yakwe. Bushe tekuti ucite ico nomba ilyo tulepeepa?

⁹⁸ Taata Wesu uwamu Myuulu, ni Mbila inono iyaptaulwa iya mubomfi wanaka. Lelo kutontonkanya fye pe sambililo “lyakwikala mu Kubapo kwakwa Lesa.” Kabiili tulemona muno nshita ya bushiku pa cafumamo mu bantu ba mushilo pakwisa mu Kubapo Kwenu, necacitike pali bena. Abamano, bakasesema abakalamba abamaka abalashikwa na Lesa, kabiili abatumwa ukushimikila i Cebo, kabiili ukukumanya Ena icinso ne cinsno nokupona pansi pa mushili ngo muntu uwafwa. Cinshi ico tukacita pali bulya bushiku, Shikulu? Ifwe twalitonkanya pali ico nokupwisha. Twaliba aba kutontonkanyapo. Amaboko amakumi yane nangu yasano yaliba aya kutontonkanya pali ico, Shikulu, pafyo bemishe fye amaboko yabo, nangu imitima pe samba ya maboko, baletontonkanya palwa kukumanya Ena ukutula apo tulandise. Cinsh ico bengacita ngacakutila bali noku Mukumanya?

⁹⁹ Amaboko yandi, Shikulu, nayema pamuulu. Cinshi ico Nalacita? Nomba, Taata, Ninkwata ifingi ifyo Ndufyanya. Elyo fye nacilapila mu lucelo ku chalichi, nga fintu Nalapile kuli Imwe pa muulu wa lupili ulucelo lumbi lintu calepupa ne mfula yabuuta ilepona, kabiili palya pa muulu, ifyo Nalilile nokwipusha Imwe ukunjelelako pa kutumpa kwandi. Kabiili

nefyo Naendele ukwisa kubabwananyina bandi, uyo pali bena bamo babika nga kasesema-umubomfi Wabo. Kibili, Shikulu, ifyo Ine napatile ukwisa kuli bena nokubeba pa micitile yatumpa ukutila Ine kuti nacita icintu caba filya, lelo, mwe Lesa, cena cisuma ku mweo wandi ukutila Nalapila ku membu shandi nokukana fisa shena. Eico pakuba uwacishinka kuli Imwe, kibili uwalungama ku cinso ca bantu, Ine nindapila kuli ico, Shikulu. Nalilufyanya, Ine muli fyonse capamo nalilufyanya. Ndepepa ukutila munjeleleko.

¹⁰⁰ Kibili nomba, mwe Taata, Naliba uwakuwayawaya kuli Imwe, muku Mibombela, inshita ishingi nalimo nga Naliile inshita iitali ilyo Nshacitile ico. Mwe Taata, Ndeyebelela imembu shandi. Ndefwaya Malaika wakwa Lesa uku nsangulula ukufuma kuli ico, ku Mulopa wakwa Yesu. Amaboko yambi nayemishiwa muno bushiku, bamo muli bena nalimo tabatala belelwo luse; lelo Ndi uwashininkisha pali ici cintu cimo, nga twalapila pamembu shesu, Lesa akashifumyapo, nokushibika mulibemba wakulaba kibili takashibukishe na—nakabili. Kibili, mwe Taata, nga fintu Nalapila ishandi, pakucita ifyabipa kucinso cabalya bantu, Nshacitile ifintu ngo mubomfi wakwa Kristu. Nshacitile ico. Namwene kwati ulya muntu kuti amfulilwa kibili natontonkenye ukutila tekuti Mfwaye ukumukalifya imyumfwile, lelo Nshacitontonkanya pafyo Nalecita kuli Imwe, Shikulu. Kibili nomba Na—Napepa ukutila Mwalanjelela. Kibili nomba, mwe Taata, Ninjishiba ukutila nga Nalomba ubwelelo Ninkwata ukwelelwa, kibili Imwe mwaliishiibika muli bemba wakulaba, kibili Tamwakatale ibukisha ico nakabili. Lesa, Ndi uwatotela pali ico.

¹⁰¹ Kibili Napepa ukutila Mwalaleka umuntu onse pano, uyo uwakwata ulubembu, ulubembu ulwa cintu icili conse ku ntanshi yabo, lekeni bena balufumyepo nokubika Shikulu kuntanshi yabo nga fintu Davidi acitile. Pantu nomba twabilikisha ukutila, “Akalandu kuli ine, pantu Nimona Ubukata bwakwa Lesa. Ndi muntu uwakowela imilomo, nangu umwanakashi nangu umukashana uwamilomo iyakowela, umulumendo, nangu icintu cimo.” Conse ico twingaba, ifwe tuli abakowela, kibili twaipusha u Mulopa wakwa Yesu Kristu, Ilambo ilyapelwe, ukutusangulula kulubembu lonse, pakutila twingekala mu Kubapo Kwakwe. Lekeni tufume muno bushiku nemitima yesu ilesangalala, kibili imibili yesu iletusha mwisubilo, pakwishiba ici, ukutila ilyo Yesu akesa, ifwe tukesabuka pamo Nankwe mucipasho Cakwe, kibili tuka Mukumanya mulwelele, mu Kusumbulwa, ilyo ukupenda kwa kulekelesha kulepwa. Tulemona inkulo yachalichi cacinelubali kale naipwa, kibili nomba tuli abaipekanya ukuya. Twapepa, mwe Lesa, ukutila Imwe, ilyo Imwe tamulaisala iciibi, nga kuliko umo muno muno bushiku uyo ushatala isamo, lekeni bena bangufyanye bwangu bwangu, pantu tuleumfwa ukutila

umwinshi waluse, pakati kaluse no bupingushi, fileisalwa. Abo abali nokusumina uluse bali nokwingilamo. Balya abashakesemo bali nokupita mubupingushi. Lesa alesala iciibi. Mwileka pabe iciibi icaisalwa muno bushiku kuli cila umo muli aba abaleyebelela ababembu. Lekeni ifwe bonse tukwate ubwelelo noluse. Mwi Shina lyakwa Yesu Kristu.

¹⁰² Kibili nomba, mwe Taata, kubalwele na balecushiwa, kuli abo abalekabila, Napepa ukutila ukusenamina Kwenu kwalapela fyonse ifyo balekabila. Lekeni bena batampwile muli Kristu, mu Kubapo Kwakwe. Bikeni Kristu, Kristu, ubulayo, “Ena alashilwe pamembu shandi,’ isho emembu shandi. ‘Mufipumo Fyakwe Nimposhiwa,’ nomba Nabika Shikulu kuntansi yamalwele yandi. ‘Ali kukulyo kwandi, kibili Nshileseshiwa,’ nomba Nyenda nokushipa, ukulanda ukuti Nimpola. ‘Kufilaso Fyakwe Nimpola.’” Cipeleni, Shikulu, kuli cila umo muli bena. Kibili twalishiba ukutila nga cakutti twalapila imembu nemitima yesu kibili, nangu imilomo yesu, nokucetekela mumitima yesu, lyena kuti twakwata ukukabila kwesu.

¹⁰³ Mwatile, “Ilyo walanda icili conse, cetekela ukutila cilesa mukucitika, kuti wakwata ifyo walanda.” Ifwe twalicetekela ukutila, mwe Taata, kibili twalicetekela ukutila Mwalatusangulula kumembu shesu shonse, kibili undapeni amalwele yesu yonse, nokutupela inkumbu, Shikulu, mukubombela Imwe.

¹⁰⁴ Beni naba bantu. Abengi muli bena bali nokwenda mumisebo iyamfifi muno bushiku. Abengi muli bena baleenda ba mailoshi abengi. Mwileka nangu cimo cicitike kuli bena, Shikulu. Bena beshire ukupita mucalo ukwisa ikala kuno kukumfwa ukupenda kwakulekelesha, ukumona ifyo ifwe twapalama kunshita yampela. Nomba Nimbepusha ukuya, balebika Lesa kuntanshi yabo, lyonse kucinso cabu, ku cintu icili conse. Ilyo ubulendo bwabo tabulafika, ilyo bena tabalaya, kuntanshi yabo...ilyo tabalaima, panuma ilyo baya mukulala, Lyonse ilyo tabalasendama, konse kuntu cibelele, bikeni Lesa pantanshi! “Pantu Ena ali kukulyo kwandi, kibili Nshaseshiwe.” Nomba lekeni imitima yabo isangalale, pakewishiba ukutila nabapokelela ifyo bacipushapo, pantu Lesa alilaya ici, kibili imibili yabo ikatusha mwisubilo. Peleni cena, Shikulu, pantu twalombela cena mwi Shina lyakwa Yesu Kristu. Ameni.

Nala Mulumbanya, Nala Mulumbanya,
Lumbanyeni i Mpaanga pakwipailwa
pababembu;
Mupeni Ena ubukata mwebantu bonse,
Pantu u Mulopa Wakwe walisamba
ukufumyapo cila itoni.

¹⁰⁵ Nomba bushe mulecetekela namubika Shikulu pakati kenu nolubembu lwenu, pakati kenu namalwele yenu, pakati kenu memilandu yenu, pakati kenu nemisango yenu? “Shikulu lyonse alaba ku ntanshi yandi, kabili Ndi mu Kubapo Kwakwe. Inshita imbi Natendeka ukwasha fwaka, Shikulu ali kuntanshi yandi. Inshita imbi Ntendeka ukukwata ulunkumbwa, Shikulu ali kuntanshi yandi. Inshita imbi Natendeka ukulanda icintu icili conse icalubana, Shikulu ali kuntanshi yandi. Inshita imbi Natendeka ukulanda icintu icabipa, Shikulu ali ku ntanshi yandi. Kabili Nshakaseshiwe. Ameni. Ndi nokwikala mu Kubapo Kwakwe cila bushiku, nokubomba kwandi, cila bushiku nokulanda kwandi. Ndi nokwenda kwati Shikulu ali kuntanshi yandi, pantu muno bushiku Ni Mubika kuntanshi yandi. Nshakaseshiwe.” Mwali Mutemwa?

¹⁰⁶ Nomba, natwiminine nomba. Oh, Ndeumfwafye bwino nganshi. Ndeumfwafye kwati Nshilefwaya ukuya ku ng’anda. Kabili namwishiwa cilifye nalimo amaminiti amakumi yabili nayasano mpaka naini, Ndi nalimo ama ora yabili ukwendesha ulucelo celo. Bushe taciweme? Oh, owe! Lelo nomba ilyo tuleya, lekeni twibukishe, ukutila tulingile ukusenda i Shina lyakwa Yesu pamo na ifwe, nge cakucinga ukufuma kuciteyo conse. Kabili ilyo mwaba nokweshiwa...aesha ukutusunga ifwe ukwibukisha ico, ulumbule i Shina lyamushilo mwipepo.

Bule Shina lyakwa Yesu,
We mwana wa bulanda;
Cena cilekupela ukusangalala ne citalaliko
kuli iwe,
Oh, Lisende konse uko uleya.

Ishina Ilisuma, (Ishina Ilisuma!) O ifyo
lyawama!
Lya pansi no Muulu;
Ishina Ilisuma, (Ishina Ilisuma!) O ifyo
lyawama!
Lya pansi no Muulu.

¹⁰⁷ Nibanga bomfwa bwino kuli kakumba wesu, Munyina Neville? [Ulukuta lwatila, “Ameni.”—Kale.] Bushe imwe tamuli abatotela kuli Shikulu pamusuma, uwacishinka, umuntu wanshiku shonse, uwacetekela i Mbila nsuma? [“Ameni.”] Kabili ena alebomba umulimo uwawama nganshi kukubela Amafunde yakwa Lesa, kabili ukushimikila i Cebo nokusunga iyi iikalamba imibebe yabumupashi muchalichi inshitafye yonse. Ibukisheni, Ninjisa ku East Coast, naile ukuciluka ku Kapinda ka kukulyo, kabili ku West Coast, kabili ukupitila mu Canada, kabili Nshakumanyapo chalichi ico icaba ulwa bumupashi nga ici chalichi pano pene. Baliya kulubuto, ee, kufyabufi, nangu ukuya mufyakuifungusha, nangu baba abatalala tekuti ubaseshe. Epela.

¹⁰⁸ Nomba, bushe mwalitemwana umo nomunankwe? [Ulukuta lwatila, “Ameni.”—Kale.] Oh, poshanyeni mumaboko umo nomunankwe, nokutila, “Shikulu Alumbaniyiwe.”

¹⁰⁹ [Munyina Branham aposhanya nabantu—Kale.] Shikulu Alumbaniyiwe. Shikulu Alumbaniyiwe. Shikulu Alumbaniyiwe. Shikulu Alumbaniyiwe, nkashi. Shikulu Alumbaniyiwe. Ninsansamuka pakuba pano, imwe munyina. Shikulu Alumbaniyiwe, nkashi. Lesa amipale. Cisuma. Lesa amipale. Twalacita ico. Lesa amipale. Ninjishiba ico mulekabila. Lesa amipale. Lesa amipale.

Bule Shina lyakwa Yesu,
 Nge Cakucinga kuciteyo conse;
 Ilyo mwaba no kweshiwa, (Cinshi ico mucita?)
 Lumbula lilye Shina lya Mushilo mwipepo.
 Ishina Ilisuma, (Ishina Ilisuma!) O ifyo
 lyawama! (O ifyo lyawama!)
 Lya pansi no Muulu;
 Ishina Ilisuma, (Ishina Ilisuma!) O ifyo
 lyawama!
 Lya pansi no Muulu.

¹¹⁰ Natukontamiike imitwe yesu nomba. Panono panono panono, twilaba ico nomba. Natwimbe iyo versi nakabili.

Bule Shina lyakwa Yesu, (Kuli cinshi?)
 Nge Cakucinga kuciteyo conse; (Ilyo Satana
 aesha ukuteya iciteyo.)
 Ilyo mwaba nokweshiwa, (Cinshi ico mucita?)
 Lumbula lilye Shina lya Mushilo... (“Pantu
 Shikulu ali kuntanshi yandi; Nshaka
 tenkanishiwe!”)
 Ishina Ilisuma, (Ishina Ilisuma!) O ifyo
 lyawama!

Munyina Neville. 

62-0909E Mu Kubapo Kwakwe
Branham Tabernacle
Jeffersonville, Indiana U.S.A.

BEMBA

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfyा kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lisitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfyा ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org